





6
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46

130
840

130
840
14







金石存卷十三

淮安吳玉搢纂

間妙香室校本

隸存八

唐滎陽縣令盧公清德文

神龍三年

大唐洛州滎陽縣頭陀逸僧識法師上頌

聖主中

興得賢令盧公清德之文

并序

前中書舍人

內供奉劉穆之墓

琅耶王守質書

粵允矣於昭

聖唐天子中興拓跡開統迺建皇

極握乾符驅駕百靈揔齊萬類貴與天平比壽富與地

平侔資日月迴薄以淑清告象陰陽變通以樂和

二字補

乘氣龍不隱德鳳不潛靈懷生之徒根著之物咸遂其

性固能使河萊靜默宇宙文明舊物惟新

昌圖

啓旦大定禮樂戡藏干戈人壽而還淳刑措而不用覆
燾之 恩溥生育之理足於是邑老田父擊壤而

歌張掖而舞頌而為頌曰康哉堂哉迺聖迺神代有非
常之 主必有非常之臣非常者所謂□尤桀出與

時偕運則我賢令盧公其人焉古曰聖主得賢臣今見
之矣百里令長親人之要者也煩劇所鍾賢良是責故

有四科堂室孔甫稱乎冉求三國股肱趙武知乎邢原書

譌伯應星雷而鎮風雨類父母而若神明鄭產之開喻

獲禽魯恭之垂仁及獸循聲流於簡牘良政在於歌謠
斯焉取斯之子之遠若乃張英風於上字補國宣懿範於

允斗大猷身有成績休光終不圉盛德莫與京觀其化

焉則盧公之心可知矣公名正道字真直范陽人昔元

丰景辰上帝甄其九萬正月甲子太公謀其八百漢祖

以同日相愛科建藩維魏祖以餘風可嘉聿推楨榦或

清虛而循禮典早識張華或文思而發詩書深知越石

曾祖昌衡隨金州刺史儀字補同三司太子左庶子風神

澹雅經史詠嘯宣太察而馳熊軾翊三善而列鳳條德

為人表行為士則祖寶素隨晉州別駕有禮有法于紀

于綱得管輅之清談發王祥之雅詠孝安壽 皇

朝朝散大夫襄州司馬綿州長史蘭芬桂□月鑒霜明

珠臯則洗幘擅奇玉壘則題輿緡化公五行秀氣五色

淳光忠□恭懿以

補字

立身孝敬溫良以行已涵珠孕璧

懸闕澤之高名舞栢吟松動嵇康之逸韻文史足用方

朔之言有徵器宇難量叔則之才可覲解褐調為異州

信都□□薄轉

補二字

絳州太平縣丞長河之間彼汾之

曲朱鉤理劇黃綬安卑鴻漸于磐鸞遷于木

勅

授陝州司士叅軍又改汴州浚儀縣令佐襜帷於陝服

二字

式允清嚴綰銅

補字

墨於梁城克敷恩信

我

皇紹膺丕業嗣守珍期明一之徽号聿崇凡百之榮階

式叙神龍元丰

制加朝散大夫隨班例也居無

何□□□

制為洛州新安縣令又改滎陽縣令

爾其索亭舊邑滎澤與區郊連北制地接東□上

補字踰

鶉火旁控龍泉神州則帶河汧洛洪□則通江達棄五

方雲湊公

補字

驟私

補字

奔百族星稠邀時朕利盤根錯節

允屬於斗卿先教後刑必推於季子公下鳥馬用牛刀

牽天理人以居其職遵區屏四以制其範開道途為設

堤防為陳之以禮樂導之以德義宣朶嘉恤孤寡去末

返本利用厚生至為濟濟庠塾莘莘冠履王渙之勸率

佐吏

補字

范甯之惠養生徒人識廉

補字

讓之儀家行俎豆

之禮其崇學有如此者龍鱗促務馬骨壤灾就穡占於

五星納稼詳於十月子奇之鑄器童恢之易牛其勸農

有如此者持寬濟猛以禮代刑兩造盡其根源五聽

原書

德窮其詞色穿

補二字

窳自息請託不行歸遇臘之囚原

覆籬之罪桴鼓罕施於道路桎梏無用於狴牢其政令
有如此者貞丰巡戶定賦徵徭情偽必探高卑咸若心
同懸鏡自辯妍補字蚩手類持衡不老輕重其平直有如
此者果行育德脩己正身徐邈之有常口奮之無潤冰
壺載潔塵甑自空其清白有如此者入其境則田疇盡
墾草萊盡闢補字此恭敬以信故其人盡力也入其邑則
墻屋甚完樹木甚茂此忠信以寬故其人不偷也至其
庭府吏補字甚清閑諸下用命此明察以斷故其政不擾
也可謂季路為宰復在于斯任人以逸從善如流耳目
平而心氣和四支全而百工理父事三人以教孝兄事
五人以教悌可謂子賤為宰復在于斯因以得良吏之

要津行古人之至道頃者年穀不登時雨未降

聖皇戒太官之膳出幽囹之囚是歌雲漢之詩式

原書
譌實

脩山川之禱恐一物之共所慮百姓之阻飢從有之無

遂起泛舟之設賑貧救乏爰行發廩之施公上桓

原書
譌祖

園澤下罄丹誠家到戶至東甬益寬優之采之撫之

育之里詠途歌人安俗恭雖雲行

補字

載沐旋符以夜之

期而風教特隆實荷如春之德導揚庶美字育羣毗惠

化所以周洽風流所以藉甚豈直王譚在職時叟号其

無雙張既臨官京輔稱其第一而已河南道巡察使漸

州

補字

司馬路敬潛以政術尤異奏聞使乎使乎得其人

矣是知韓稜之飛章已奏徵入有期焦貢之行雨載馳

顓留難遂承馬捷主簿解伯宗尉高貴司馬貽字補道等

並干將重寶新甫貞柯道可濟時位不充量溟海即鯤

鵬所化原書枳棘北鸞鳳所栖翊贊呂方聲華有裕望

逸驥而將遠撫留犢以原書增傷孤我德而無鄰勞我

思而無極爰有等慈寺頭陀逸僧識法師俗姓乘氏漢

丞相之後秀也天稟聰偉生而俊奇發願為國敬造

阿弥陀石碑像并頌聖德及鑄神鐘字補鄉人前巴

州曾口縣尉劉虔昇錄事王叟福常守一佐史里正等

或簪纓著族夙勞州郡之班或仁義在躬慙屈鄉閭之

任耕田鑿井遭聖王之休明孝道忠規受君子

之名教以為叶丹闔而一借未達由衷樹翠碣而

長懸方存相質惠我無疆之澤徽烈允光思原書君不

樂之情德音何已段溝字補佗頌文在茲乎其詞白

□地山河中天朝市玉帛萬國子男百里帷索之亭帷

京之水無無原隰森森杞梓其一粵茲撫字湏波仁賢俗

之化者君之宰焉操我字補利原書器亨我小鮮歌聞下

邑舞合重泉其其政不嚴其儀不忒秩秩詩禮光光道

德爰務耕耒罕施激繆無偏無黨有典有則其琴鳴密

賤花發潘仁倖唯計日□乃生春視人如子臨事若神

□鷹坐化瑞雉行馴其自冬阻春密雲不雨曲降

絲綉載傾教庾沐蘭奠桂救貧濟窶旋感月離方期歲

取其祝良何德汲黯何功遠望千載寧踰一二字□既

流膏雨克播循風聲聞于外化協于中其六鳳原書使載
揚驥途收展芳菊無絕甘棠勿剪式紀清芬爰憑翠篆
歌詠不足聊稱其善

神龍三年歲次丁未五月戊戌朔八日己巳建

李思節刻字

右唐滎陽縣令盧正道清德文劉穆之纂王守質書
今在滎陽縣儀門邑人頌其令君可耳乃假名于頭
陀逸僧何也豈欲仗佛力以永其傳耶抑亦沙門勢
利諂頌當事耶守質書法頗欲以樸拙勝人而未免
時露稚筆未能超出唐人藩籬也 貞卽貌篆作貞
說文莫敎切頌儀也从人白象人面形六書略亦云

六書本義眉敎切指面兒轉墨角切畫人物類其狀
曰兒則所謂貞季巡戶者如今之造季兒冊以巡戶
口耳 虛舟先生淳化泐帖攷鍾繇力命帖有貞字
云當作完字想以彼處文義當如此耳若在此碑則
完季巡戶亦不可解也半江以爲兒字似矣朕尙恐
未確當更攷之

唐贈歙州刺史葉慧明碑

開元五年

大唐贈歙州刺史葉公神道碑

并序

江夏李

國子太學生

八分書

公諱慧明字德昭南陽郡人也其先系自軒后殄于周
文聃季食沈子高封葉因爲氏矣逮問政孔好龍得

真代有

十五字補

聞也昔者

二字補

惟帝興運乃聖炳靈風雲

相從卜

字補

夢通感閒氣駿發良弼大來有開必先憑物

為烏□目然矣則我使君降□府乘道流

十四字補

追蹤隱

淪叶契幽叟結廬澗汜考盤巖椒同人利貞遁代勿用

雅好酒德尤邃老經話言解頤精□絕倒誘進不倦虛

納盡□好

十二字補

事集門長者闡里每至升月帷戶咏風

林薄植杖嘯谷席皮琴山泰然樂生澹乎忘老六□維

性壽

字補

邇神僊侑赤松之遊縱黃老

九字原書脫

之術

字補外

身先物歸根致柔緣以大均持以大定色理不盪寵辱

不驚繩繩焉熙熙焉孔德之容网可測

二字補

已故師長

旌禮邦族與化

八字補

智者謂智仁者謂仁雖褐塞桑樞

紵衣韋帶必避途加敬褻風暢息焉是用克間丐家大

育厥圉則我越

字補

公龍上德延慶靈生而知

六字補

之學

而習之有專門之資得不承之業纔亂班道既冠同園

訊遠岳之福庭觀幽尋之方

字補

士陳咒雷馭吐刃電光

沈海莫濡蹈冶

六字補

匪藝呵萬鬼溺

字補

百神啟陰官之

符變冥司之籙追亢隄事坐知來茲膏肓

字補

無所遁其

形霧露不能滋其疾奇跡

六字補

大君孔休辟命荐至入自臥內問以

二字補

咎徵造

膝必誠遇事偕中時更四紀

字補

代且五玉順風召請天

師敷衽以近

皇極緇

三字補

縈其能出右公卿是

字補

帷虛左

原書譌在

國家有事天地將旅

字補

海岳公嘗致

禮加驛能事潔羞二字原傳駟載途四字原書謄在郡邑句下郡邑

迎謁者歲四三焉自項賦補七字書補祠補字小人吹蠱敢

為戎首興此厲階天步未亨人事將殆公乃極陳

幽贊補二字大殷聖猷杖卜撰辰補二字竝走羣補二字望佗

為邦翰先補七字王憂補殄勦元兇翼扶皇統是嘉

厥異式揚爾忠爵賞懋於身寵贈允乎考匪此父也曷

訓其子匪此子也曷揚其親松楸已補九字碑版補未立

永念終古追存孝思補字請闕庭第如江介遠訪

才子枉建鄴夫趙括論兵多缺舊學班固述史嘗賴家

書顧惟成章實補八字愧貞石其詞曰真隱夷軌默僊解形倬哉獨立企古遐征殆庶園德升

觀丹經服鄉不涅炆无營築卜岑渚上藥侍補八字琴

徐嘯補字風谷緩步月林白雲怡志清泉洗心曷昧不注

曷奇不臨迹回神遠情隨地深舉代方籍皇補未軾肇

口懿子載揚令德補七字左慈致物越人辨色司察鬼謀

僂使補字神力寵被五君聲聞八極日嘗薄蝕

國有多難兇慝乃揚忠烈憤惋亦既補三字先覺補二字原

免克圖補二字幽贊皇哉神武赫然天斷薄言即戎

于以戡亂帝念疇庸典開剏土豈曜厥身寔贈亏

父未藩乃錫紫綬是與存補六字致歿榮補字忠伸孝舉剏

列桐柏緒風興悲表墓有關紀德森詞哀哀嚴蔭樂樂

孝思孰傳終古是建豐碑贈慧明銀青字補此下歛

州刺史子道本灋蕭授鴻臚卿封越國公

開元五丰太歲丁巳鵠尾七字補月夷嗣七日甲辰建缺

□州張□□□□檢校樹碑侍者洪州翊真觀主盧

齊物□□州以下

原書脫

右唐贈歙州刺史葉慧明碑今在金鄉縣書篋人名
皆缺分隸雄駿亦韓史輩手腕但過涉怒張微乏蘊
藉則小遜耳慧明乃道士葉灋善之父史稱睿宗卽
位謂灋善有冥助之功故拜爲鴻臚卿封越國公又
贈其父爲歙州刺史夫以一道士而位之卿尹爵以
上公贈及泉壤名器之濫可謂極矣洪邁容齋三筆
曰自唐代宗以僧不空爲鴻臚卿開府儀同三司其

後習以爲常不知睿宗已以道士爲鴻臚代宗亦踵
行其弊政也

唐宗聖觀主尹尊師碑

開元五季

大唐故宗聖觀主銀青光祿大夫天水尹尊□□并序

銀青光祿大夫行太子右諭德兼崇文館學

士上柱國平涼縣開國公負半千撰

聞夫真人者出巨殼歷倚杵騎蜚廉從敦圉□□公妾

密妃朝濯趺於湯泉夕晞首於暘谷仍丹止以長嘯戴

翠華以高遊自非植因曠劫肅恭太浩從事於金房之

前鏤心於玉晨之上攜青童而應黃綱者奚以成後來

之妙相序□□景而因希聲則尊師其人矣尊師□□

□□景先隴西天水人也後秦尚書僕射緯之後緯仕
 長安故為扈人焉若迺變為帝師降迹於唐勛之代光
 平王佐應命於周武之朝家藉□□可略言矣曾祖洪
 宇文翰商州長史大父舒隋文州別駕昭考珍皇朝散
 大夫尊師特稟異氣坐實冥華始降迹也其母袁氏夜
 夢園妙玉女授以九老夫人之符數月而聞腹中誦經
 聲且時時有異光繞身矣及載弄之始目光炯然眸子
 轉眄若有所見及勝衣之日自識文字唯誦老子及孝
 經迺曰此兩經者天地之心也此後見好教之字若蹈
 水火視禋禮之文□□泉谷稍長聞有尹真福庭迺精
 心事之不近俗事因讀西昇靈寶等經漸達真教既得

園味便契黃中間師者傳道之父母行道之神明無數
 劫來妙經是出不因師學謂之長昏遂□□無已求師
 不暇時有周灋師者內音之先鳴上皇之高足迺顛叅
 軒効駕陪景嘯空奔走禮謁以申宿志灋師見之迺謂
 尊師曰汝於劫會之中已受龜山之鏤也便訛以紫雲
 之□□授以青羽之隱灋壺入其心謂赤松王子喬可
 與撫煙月矣年十五道行已周有名於遠近矣屬
 文德皇后遵上景而委中宮于時按訪道林博採真迹
 尊師即應園景行預緬□□勅出家配任宗聖觀
 雖剪芝瓊園採琳園隴意每遠出未近謝也將欲沐浴
 東井棲遲南昌保護崑崙窺窬混沌矣故屬想丹煙遊

心紫度遍尋五岳備涉九元尋三君之祖氣□□□之
慧眼旋謁灋師便屈終南寂慮於溫泉冥精於寒谷有
丰日矣既通八景又達九天知來藏注多所曉悟若有
神曰灋師上遷及省所屈已去順也貞觀末丰行罷既
畢永徽三□□□太白入重園也見所未見聞所未聞
此後丹字紫書三五順行之灋扶晨接晝九六筵取之
方咸得其要尊師所有遊山異迹祈醮靈應並有別編
此不載之至於顯慶已來國家□□□□供奉功德諮
量救代度人轉經行道園壇黃屋帝座天言東都西京
少陽太壺九城二萼展敬推誠三十餘丰以日繫月始
終不絕有感必通凡是効驗君臣同悉 勅書注復

□□□迴神道昭章歲時交積者不可具載並傳於

帝居一二要者略舉其目初尊師遊太白高頂雲霧
四周聲振萬壑忽湧圓光去地千仞復有像充九色其
高十仞欣然長往者□□□焉 高宗之在九

成宮有孛彗經天長數丈以問尊師尊師對曰此天誠
子也子能敬父君能順天納諫激賢斥邪遠佞罷設休
征責躬勵行以當天心當不日而滅 上依而
行之應時消矣是故 高宗以晉府舊宅為

太宗造昊天觀以尊師為觀主儀鳳四年

上在東都先請尊師於老君廟修功德及

上親□□□咸從 上及皇后諸王公主等

同見老君乘白馬左右神物莫得名言騰空而來降於壇所內外號叫舞躍再拜 親奉聖音得非尊師之

誠感也由是奉 勅修元□□□聖紀一部凡十卷

寫進之 高宗大輓終日觀省不離玉案廼授

尊師銀青光祿大夫行太常少卿尊師固讓不得□□

官而受散職焉永淳二年天中有望告成有日萬乘雷

動千騎風馳 天子乘閣道而御帝車群官陪六儀

而奉七曜將禮於天樞幸中岳也金繩未舉玉檢猶潛

而六龍頊轡三□□色 聖體不安旋于皇極屬

紫微虛位白雲上征萬國號訴四方遇密

太后諮訪尊師尊師曰真坊仙境亦著代謝物有榮悴氣有初終大道之常幸康神器 □宜存思諒闇

極想欽明密理百神潛庇萬姓文操人間地上物裏天

中所有靈明倍百祈請亦望二十四結火燒而憂盡七

十二教水鍊而濃成皆見先微以明後事廼著祛惑論

四□□魔論卅卷先師傳壺卷坐拱四丰將賓玉帝也

上足時道成威顙奏章以延福蔭尊師止之曰有順宜

遵不可犯禁言訖委化顏色如常粵以長壽四年四月

十二日遷地於終南文□□弟子侯少微等追思龍漢

遠慕龜巖異德音與天地同久神道共陰陽齊化昭庇

騫林冥滋栢樹俾斯貞石文若三光其詞曰□□□

去矣大僂悠哉上園玉谷白芝之座金闕紫□□前旣
嘯景於瓊札固交歡於碧泉出三萬六千之厚地入三
萬六千之遠天咀九萼之翠菊坐五色之紅蓮常吟外
景每握內篇春霞飛遘絳雪秋風生零紫煙徘徊高黃
嶺顧步太□□三秦四塞帝王國京地長安龍鳳川煌
煌兮四明路浩浩兮八景年今已向上龕前果何時來
下降宿緣當乘道之氣應傳道之味必□氲氲六合中
自然昌揚萬劫通稽省空謁步□□乘九繫天下同此
心非獨騫之林
開元五丰十月二日弟子侯
少微等建

右唐宗聖觀尹尊師碑開元五季立員半千纂文獨

不列書者名氏隸泐本亦廉悍經元大德閒道士聶
志眞重摹失其筆意矣尊師名文操碑今中斷其名
正在缺處狀第二十一行有文操人閒地上云云則
其名猶可攷見也唐人尊老子爲遠祖故祠祀祈請
備極崇奉入竊不已遂至降壇君臣上下共爲矯誣
巨碑深刻傳之後世豈不大可笑哉碑不載于金石
錄金石錄別有一尹尊師碑乃裴子餘纂郭謙光八
分書開元八季四月立兩碑當同在宗聖觀員碑在
北宋時想未必盡不可讀不知趙氏何以得一遺一
也碑中有故爲扈人焉句扈疑卽扈字扈縣在右
扶風此必重刻時譌戶爲尸也

案扈字據舊拓本作扈今本作扈蓋碑石季久上
畫兩旁蝕損故成尸形實則重刻時未嘗誤也原
書以爲譌尸非是 扈縣漢書作鄠縣古有扈地

碑故作扈扈鄠本一字耳

唐唐興寺碑

開元六年

唐唐朝議大夫行聞喜縣令上柱國臨淄縣開國男干
君請移置

唐興寺碑

并序

殿中侍御史判臧方員外郎高陽

許景先撰

觀道寺主僧師口書

先萬物者始道德爲宗窮言象者以乾坤爲大豈若道
洽沙界盤古無以化其跡功包鐵圍繇首不能紀其要

前後際斷衆妙入於真乘色相皆空定慧生於正覺言
之不極其波若之蘊乎聞喜唐興寺者我國家草昧之
所置也時橐弓矢締構龍宮懸玉鏡於方丈運寶圖於
羅衛將祛八難式護四禪乃於西山建斯精舍布金幽
逕樹福璇衡經始險蹊人跡罕到雖三空屢說給園之
衆不俱八解常流方廣之途尚阻毗俗常迷於夢幻聚
落不聞□□□□使十地空存四生無拯爰初構趾數
十百年舊令因循不改其制長者居士既渴日於寶坊
清信比並徒挈餅於諦議時縣令朝議大夫東海于公
名先庭即銀青光祿大夫瀛州刺史東海郡公士俊之
孫金紫光祿大夫中書侍郎同中書門下三品東海憲

公之第五子也。奉五鼎之華，冒稟三辰之粹精。陰德未沫，亢宗有後。在躬而禮義克舉，餘力而文章見稱。好學多能，以為入官之具。清慎寡欲，見在公之心由也。四科參乎一貫，理必合於授刃。事無遺於下，講故能變蟋蟀之風，展蒲盧之化。始鄉退而循里，我有昌言。終里退而脩家人，無遺善。此其操刀有裕，彈琴自閑。亦既底於王程，將又崇於佛事。為蒲之所不及，理鄴之所未行。加以識洞真局，智融覺鍵。伏忍於三昧，懸解於六通。身若明珠，淨無瑕穢。心猶平地，能生眾善。且循調御，時現宰官。精三異之妙術，敷六度之津要。由是歷請天府，將徙梵宮。雙樹移堅固之林，八座改耆闍之岫。金山赫赫與

紫殿而飛來，紺宇眈眈。化青樓而涌出，城池故絳井邑。新田士女溢於康莊，象馬闐於里閭。一一香蓋懸寶纒之幢，種種天花散金燈之地。得未曾有，聞所未聞。方將洗貪欲之腸，腎開盲瞽之耳目。納須弥于小芥，詎是難思。置海水於虛空，未為希有。僉以法雲西蓄，佛日有蔀。家之味今，智炬東摧。迷途昭牽，復之象豈非如來滅後。將有住持時，夏縣威神寺法師俗姓張法名忽肆。其先衣冠出南陽，精持津儀，薰修戒行。德超於四果，聖貫於三伊。大道未行，同孔止之歷聘。眾生有病，等鑒王之授手。遂乘杯凍，蒞振三字補錫北亭。拔瞽俗於愛河，誘焚如於火宅。示方便品，蘊波若流亡羊於九部之津。去馬於

四·卒
三乘之際莫不爭持寶蓋競解□□耨池之棟宇爲
苦海之舟航起予者商繄我明宰時縣丞清河張佑仁
主簿罔農楊浩尉太原王臨尉太原王銑等竝瑚璉名
器鸞皇勁翮廿無滯用政有異聲鄉三老進而言曰今
敦禮勸農嘉惠也樹法拯人深慈也我宰君善化前古
罕儔豈使浚儀豐碑空銘景行龍宮後碣獨閱激言載
勒堅金永傳沙界銘曰

佛言能淨一刹土是謂世閒良福田今我莊嚴招提宇
度脫功德海無邊猶如法雲覆羣品亦如佛日在中天
皆是宰官惠明德羣毗安樂離苦緣樹碑紀功永不朽
銖衣拂石億萬年
開元六年歲次戊午九月壬辰

朔二日癸巳建

右唐間喜縣令于允庭請移置唐興寺碑侍御史許
景先纂僧師□書開元六年立此碑初不載于趙德
甫鄭漁仲二家獨金龕琳琅錄其全文 本朝顧處
士寧人朱太史彝尊客游山西最久晉中遺刻羅列
集中者最夥此碑在間喜何獨見遺豈石今不存耶
此本椎拓甚舊吳門徐友竹獲之淮陰市上持以示
余因摹其文入錄拓本缺最後二百三十字就都本
足之友竹名堅季甚少好古甚力嘗從余處見所藏
篆隸祕本皆手錄以公且精于籀勘丹黃燦然將來
所詣正未可量也 紺字眈眈卽沈沈也讀如潭潭

昌黎詩潭潭府中居史陳涉世家涉之爲王沈沈者皆言屋宇深邃貌古沈字通用湛湛又通作眈故此碑遂以眈眈爲沈沈非易虎視眈眈之音丹也

唐東海鬱林觀東巖壁記

開元七年

紀白維大唐開元七年歲在己未粵正月庚寅朔時大人出爲棗州司馬禮當巡屬縣問耆疾周覽海甸察聽眈謠人隸事矣乃迴駕惕想眇矚雲山尋紫翠之所瑩虬龍之道蓋欲徵靈宅吉洗我塵慮巖二直上官二傍邃霧月與碧海同深霞朝將赤城爭峻代有却而不能至者至而不能賞者賞而不能窮者亟聞我東海縣宰河南元公光發幽躅起予泉石締思構匠蠲絜彤勝

遂披叢篁鑿崩壁懸流歎水藏宿雨而時來臥石埋雲觸搖風而不散歷時花木紅紫無名入聽笙歌宮商自合固可爲真人之別館元始之離宮哉夫豐會稽探禹穴慕古長想復何奇乎豈如志在魏闕心遊江海兩忘出處雙遣是非惟元公得之矣攀賞未極剏磴生陰促駕言旋攢峯擁騎家君顧而歎曰爾知遊名山勒銘紀者非思入上園道存虛白矣何能造次不遠而爲之吾少事雲林長牽塵迹晚嶺心事盡于巖間小子志之貽夫來者其剏座同志次而鐫之司馬男清河崔逸文朝議郎行海州司馬崔曄字踐直朝議郎行東海縣令元曖字激明丞閭朝賓主薄孫亨友尉荀抱簡尉上官崇

右唐東海縣鬱林觀東巖壁記海州司馬崔惟怱男
崔逸纂不著書人名氏或亦逸筆也今在海州鬱洲
山之麓境地幽僻人迹罕至歲久蘚蝕椎拓絕少余
宗人麗南僑居東海嘗因游屐所至獲見是刻埽滌
塵翳手錄其文以歸知余篤耆分隸亟爲余言余慙
憑搨之因又言此刻之外尚有宋蘇唐卿篆書石曼
卿艸書並刻巖閒藤蔓落封頗難識認余聞之興益
勃發戊午冬日重錄金石存將畢以不得致此數碑
爲憾因作一詩促之明季正月乃先寄摹本俾余入
錄將覓善工徧搨諸刻以飫余志余按趙氏金石錄

目嘗載是記特未及跋尾是此刻曾一入歸來堂中
但自趙氏而外汔今絕無知者海上居人如蟻四方
游鬱洲者歲不下數千人亦竟莫知山下之有是字
非麗南之冥揆窮搜將益湮沒不復可見而適以益
余之不足則尤爲可幸也鬱林觀今已不存山左右
數里居民希少且山石高聳必駕木緣縲狀後椎拓
可施亦大未易事狀余慙通甚力而麗南亦汲汲好
古知其必有以報我也

唐修孔子廟碑

開元七年

嘗觀元化陰藏上帝園造雖道遠不際而運行有符揚
摧大桓宣孝神用建人統之可復補天秩之將續其撰

一也管者蚩尤帖賊麻弟驕兵巨力多徒合緒連禍則黃帝與聖首出羣龍推下濟已君人儆勤略已戡亂逮至橫流方割包出其咨轉死爲魚鱸食不粒則堯禹並跡扶振隱憂道百川庫四國粵茗段禮缺周德微宋公用鄆楚子問鼎則夫子卓立粲然成章闢邦家之正門播今管也繇憲此天所已不言而成化聖所已有開而必先其若是也故夫子之道消息乎兩儀夫子之德經營乎三代豈徒小說蓋有異聞夫亭之者算如天藉之者算如地教之者算如夫子且沐其亭而不識其道則不如勿生荷其藉而不由其德則不如勿運固曰消息乎兩儀者也夫博之者算如文約之者算如禮行之者

算如夫子且會其文而不揚其業則不如勿傳經其禮而不啟其致則不如勿學上代有已焯序中代有已宗師後代有已丕訓固曰經營乎三代者也意虞舜之美不必至是贊而大者進聖君也夏桀之惡不必至是擠而毀者激庸主也伊尹之忠不必至是演而數者勉誠節也趙盾之逆不必至是抑而書者誅賊臣也至若論慈廣孝輔仁寵義職此之由於是君臣之位序父子之道明友朋之事興夫婦之倫得雖腹日開覺膏雨潤黷和風清扇安足喻哉俗如九皇繼統而政醇七聖同軌而道合雖事業廣運偕理濟一時

原書字脫

未有薄遊大夫

僻居下國德敷既汪言滿方來廟食列邦不假手於後

續君長萬葉畢歸心於紫王若此之盛是已騰跨百辟
孤絕一人曷成名可稱取興爲大者已

我國家儒教決寓文思厭天伸更曹已追尊建禮官已
崇祀侯衰聖於人爵尸冀事於國庠是用大起學流錫
類孝行數悅施於方國光覆彌於因宗三十五代孫嗣
衰聖侯遂之字藏暉泊旌賢亢亨等或專門碩儒因墜
弓緒或餘波明準庠揚厥聲乃相與合而謀曰夫墟墓
之地禮曰自哀聽訟之樹詩云勿翦一則遇事遺愛一
則感物允懷故乎大聖烈風吾祖鴻美故國封井舊居
以鬱歟宜其棟神馳魄膝行膜拜陳蔡祭首嚴祠樹纁
垣已設防刊豐石已爲表宛州牧京北韋君元珪字
案此

下石本王國周親人才懿德明啟風績休有名教長史
空五字

河南源晉賓字光國賢操孤興清節相遠納人已禮成
俗於師司馬天水狄光昭字子亮相門肅開雅道踵武
聞義必立從事可行錄事參軍東海徐仲連功曹成陽
蓋寡疑倉曹太原王道漳因農楊萬石戶曹博陵崔少
連因農楊履因兵曹太原王光紹范陽張博望法曹安
定皇甫恮東海王光彥主曹滎陽鄭璋參軍事博陵崔
調扶風竇光訛河東裴璿隴西李紹烈鳳門田公儀博
士南陽樊利貞曲阜縣令鳳門田思昭丞河間劉思廉
主簿吳興施文尉清河晏因楷等宦序通德儒林秀主
昇堂觀輿遊聖欽風僉同演成乃廓經始其詞曰

元天陰隲大明虛鏡神不利淫物將與正凡曰投艱在此逢聖吞沙葶虛軒黃庄定襄陵北災夏禹文命周道失序夫子應聘刪詩述史盛禮張樂雅頌穆清訓詞昭灼片言一字勸美懲惡誘進後人啟明先覺六順勃興四維偕佐元功濟古至道納來首出列聖席卷羣才大名震曜廣學天開蒸嘗而寓誦習窮垓

帝念居室呂光壽宮建庚子嗣環封廡中孫謀不泯祖德斯崇乃刊聖烈声廣休風

朝散大夫使持節渝州諸軍事守渝州刺史江夏李邕文 正議大夫使持節宋州諸軍事守宋州刺史上柱國范陽張庭珪書

大唐開元七丰歲在己未十月乙酉朔十五日己亥建

右唐修孔子廟碑蓋孔子三十五代孫嗣袞聖侯璲之與族人元亨等修飾宅廟而句李邕作文張庭珪書之者也邕于唐頗有文名狀不能洗艱晦襍績之病庭珪書法固工但老勁有餘微乏風韻書小史乃以古木崩沙閒花映介評之未爲確論也 故乎大聖烈風故卽矧字集韻攷同矧隸泐矢作去故書作故文思厥天厥疑戾字晉卿趙盾三傳皆作盾字讀爲涂本切豚上聲卽矛盾字亦讀純上聲中盾字亦讀若允無作太聲者今俗讀若遁誤也觀此碑書趙

盾作趙遁。唐時卽讀盾爲遁。因聲誤。然誤其形乎。

唐華嶽精享昭應碑

開元八年

華嶽精享昭應之碑

宣義郎行華州華陰縣主

簿平陽咸廩撰

夫神其止也。虛其行也。直是以感生爲夫。祀其事也大。其馨也。德是以福生爲維。鬱香喬屈。允曰華天。佗峻極。厥仞五千。降靈集社。密跡王國。故風雨肯若。必應休明。玉帛之享。亦豐其報。致天人之味。香功莫大焉。

皇帝以開元嗣極。今八載也。文德被武功成。垂拱

而天下理。纘服而庶邦正。於戲聖之配天。不逢灾祥之數。而務脩其德。天之降福。式彰譴告之符。而終與其譴。

是以成湯興而炎暎遘。周宣懼而頌聲作。聞自日左。奎雷始電。迨乎畢春。氣達萌牙。山川如焚。密雲不雨。千耦適野。胥病於失時。百室崇墉。將空於成歲。

我皇畏昊天。天之命。憫烝人之艱。自郊祖宮。靡神不舉。乃分命舊相。尚書許國公蘇頌。以瑞祝之辭。旅于西嶽。將以蒙嘉氣。獲豐丰。公時膺保衡。代修衮職。克永先正。對揚

王休

天子以才難九人

允歸同德。公是用僉諧八座。懋廣疇咨。育文章焉。育禮

樂焉。既享冢位。乃司宗伯。實佐味邦。敬恭明祀。爰屆爰

處。威儀孔將。閱原書是亭廟。育來斯啓。州命長史河東

薛縉。俾爲協事。於外宗人相禮。展器執書。告備於內。肅

雍萃止宵艾並止幣尊六牖王用兩圭焚燎舉而禮容
祖茗味爽交而神光有榮粵三月庚申陳薦請也公已
事復命式遙其歸時厥翌日旋於闕下車轡二而響止
履齎二而聲入則已滄周四溟渤洽千里拜獻純原書
譌祝
嘏天臨在歡嘉公克誠神用影響
制書褒

賅束帛育差既禮而祠古之義也止不與祭
帝育災焉乃申命秩宗寵終厥事則育牲脰樂奏之備
以昭配焉柴如告賽如前禮夫陰陽不測至妙也因變
感情至殺也六府三事大功也四望六宗大禮也后王
卿士如波歲月其道不易時惟康哉蘇公乃言曰惟
我后之德格于上下神哉其需今茲巨人

可寐述已於是重費以謀始因物呂書伐倬波金石載
刊其陰俾夫後之敬事者知景福之攸原書
譌有在其辭曰
於鑠大華降神西峙惟王荒之配天育祀雲雨成物馨
香叶祉明明

天子禮于愆陽肅肅蘇分

王

命是將克誠攸亨離畢其翬丰之用康祀事惟政非昵
非假禮崇其敬祠而報焉以永終慶惟靈盛咏幽贊而
生育豐香石刊之則貞蘇分佐頌孔碩其聲

殿中侍御史彭城劉升書

右唐華嶽精享昭應碑華陰縣主簿咸廩纂文侍御
史劉升書刻後周天和二年華嶽頌之陰升書法頗

瘦勁當開元閒隸體極盛日絕無一筆孱入韓史門庭其用筆用字全類魏齊時碑版亦唐刻中之僅見者密卦王國是邇字變作走眉爾爲尔也懋廣疇咨卽咨字增口爲日也旣亨冢位當是享字與銘詞中克誠攸亨同帝有哭焉是哭字變比爲二口也三國志注引會稽典錄言孫亮時有山陰朱育依體象類造作異字千名以上魏書太武帝始光二年三月初造新字千餘頒之遠近以爲楷式故李仲璇修孔廟碑魏孝文弔比干文之類皆襍用篆籀隸楷以及變體別構之字狀此風自唐以來久變不謂至開元時劉君乃獨耆之耳又碑中如皇帝天子等字或

空四字五字或空六字十字不一唯我皇及帝字平格前天子字空六字銘文明明天子句又復平格皆不知其義碑前後闕入後人題名甚多一行云銀青光祿大夫檢校華州刺史上柱國李休光題額字體不類疑出後人補刻非升一手書也又一行題崇禎十七年後辛丑和州逸人戴逯孝再登岳十八字今上十字已爲後人鑱去辛丑乃我朝順治十八年題此者始亦謝皋羽鄭所南之流與

唐御史臺精舍碑

開元十一年

大唐御史臺精舍碑銘

并序

中書令崔湜任鑒中侍

御史日纂文


易曰吉凶悔吝生乎動也傳曰禍福穠門惟人所名勛
蹈網罔嬰微纒聯析楊貫桎梏可悉天尤人哉左臺精
舍者諸御史導羣愚之所往也蓋先王用刑所以彰譴
瘳惡聖人明罰是以小懲大誡故崇二清憲以紂以繩
斧櫓机頑嚚罔知攸畏冒于側賄貪于飲食莽蜂不歌
獬犬自噬焚二泯二而陷于茲者歲以千計羣公等目
而感之乃言曰天隲可逃自咎難逭夫能度蠶切苦厄
者其惟莊尊乎所以僉捨衆貲議立斯宇欲令見者勇
設道惠勤探妙根悟有漏之緣證波羅之果纓珞爲施
菩薩之導引衆生塔廟有成天人之護持正凜不有譴
者人焉賴哉長安初湜始自左補闕瑋殿中侍御史至


止之日其構適就遊於斯詠於斯誓首於斯咨夫衆寶
巖身非如來之意方丈爲室蓋維摩之心故立像不務
於珍華度堂罔圖其豐壯至若丹牖竝棄剗厠都捐財
歸依止二或未多也君子之往其得中焉觀其椽之橐
之是尋是尺倚俎來之松攻荆藍之石疊櫨駢棋規欂
桷亘鎔脰螭以頓枕鏤躡寶以銜鋪縹窓黝烟丹柱皜
日香泉數曲環繞琉璃之地靈草百品叢蒔黃金之階
信可滌慮洗心進殃寘福爲利甚博獲報無量羣公以
予忝文儒之林固以碑表相託辭不獲已而往銘曰
惟佛之國黃金界道于嗟下人誓不相好胡不歸命已
自保惟佛之土白銀爲臺于嗟下人爲惡不迴胡不稽

四·四十八
金石存卷十三
皆以逄災彼君子兮福所履兮是度撰兮不日成兮若
神營兮利羣生兮 開元十一丰殿中侍御史梁昇卿
追書 趙禮鐸

右唐御史臺精舍碑崔湜文梁昇卿書書泐適勁自
足名家宜東封朝觀頌亦以相屬也朱彝尊云唐自
貞觀中李乾祐爲御史大夫別置臺獄囚當訊就近
拘繫之其漸也侍御史東西推監察御史糾視刑獄
各禁其囚迨至后時來俊臣侯思正皆爲御史制獄
之外臺獄圜扉恆滿崔隱甫總臺務言于朝掘太于
是刳列精舍以釋典讖之按舊唐書隱甫爲御史大
夫在開元十四季碑云長安初湜自左補闕拜殿中

侍御史至止之日其構適就是太臺獄作精舍在隱
甫爲御史大夫二十餘季以前何得云自隱甫始也





南無阿彌陀佛二十種奉以備回音示自觀音欲以
制喻史至土之日其難盡知是太皇太后御會孫劉

金石存卷十四

淮安吳玉搢纂

間妙香室校本

隸存九

唐老子孔子顏子讚

開元十一季

老子讚

睿宗大聖真皇帝製

爰育上德生而長丰白髮遺象紫氣浮天函關之右經

留五千道非常道園之又園

孔子讚

同前製

猗歟夫子寔育聖德其道可尊其儀不忒刊詩定禮百

王取則吾豈匏瓜東西南北

顏回讚

御製

杏壇槐市儒術三千由也亞聖止也稱賢四科之首百行之先秀而不實得無慟焉

孔子讚

老子讚

右修書副使太子右贊善大夫麗正殿學士張洎奏稱先奉恩勅令臣檢校

御書

睿宗大聖真皇帝集臣伏見集中具載前件讚文又見孔子廟堂猶未刊勒臣竊以為尊儒重道褒賢紀功本

於王庭以及天下一則崇先師之德一則紀

先聖之文其堯州孔子舊宅益州文翁講堂經今千有餘載皆未題頌臣特望搭御書讚文及陛下所製顏回讚并百官撰七十二弟子及廿二賢讚令東都及天下諸州孔子廟堂精加繕寫御製望令刻石百官佗望令題壁陛下孝理天下義冠古今使海內蒼生欣逢聖造興敦勸風俗光闡帝猷

勅旨依奏 開元十一年六月十日

開元十一年歲次癸亥八月甲午朔十六日己酉

朝散大夫行令武元禮

朝議郎行主簿樂思問

朝議郎行尉鄭僊印

朝議郎行尉盧懷秀

朝請郎行尉下缺案以上五行原書佚脫今補

右碑上截刻孔子老子顏子三讚下截刻修書副使張洎奏章蓋洎因檢校睿宗文集見此讚文因并欲與開元帝所製顏子讚令天下學宮皆勒諸石也此石不知刻于何地前人集錄皆未之載字雖不甚適密狀當開元時頗無腸肥腦滿之態亦可貺也前書開元十季是敕旨依奏之歲月後又書開元十一季則勒石歲月也後一行字甚小

案碑在今濟寧州金鄉縣學凡三列第一列三讚

十八行行十字前二讚睿宗製後顏子讚稱御製者元宗也第二列奏章敕旨十七行行十五字末季月一行第三列令簿尉銜名五行原書止載上兩列而缺下列銜名今據石本錄補

唐涼國長公主碑開元十二季

御書二字補

大唐故涼國長公主碑文

銀青光祿大夫守禮

部尚書上柱國

案以上二行補

乾坤既將豕魚攸配變則成女終於歸妹惟長公主乎

公主諱窈字花粧

我興家邦天錫六字補

宗社昌運及五

聖真享鴻名

聖期至六

神武膺駿命道大□□□□□爲綢緼構極倬

波雲漢九字補的瀝蕤春華如桃李順顏承志約禮知節

得巖館泛蠶之儀採公宮習文之藝載瞻湯沐爰賦井

田其創也與多於僊十四字補源其涉也稱長於涼國故丞

相虞分太原溫彥博曾孫曦台撰門閥風流儒□□諧

是圖歷選伊尚君子至止碩人其十四字補頥協時之吉脩

典之實雜珮明璫聚衣錦裳熒熒煌煌有秀有芳居□

暎以虹二字補倚動群超而翠翔媛成肅雍侯守祿位四字補

字補貴則能降降而不驕勞而在勤勤則不匱未嘗有也

皇嘉之而謂曰□和以樂變乎風揮五絃之盡

美觀百物十五字補之從令欲同聽乃親故特傳於汝公主

清陽神潔妙指心閑猶白雪之詞□通□則應類青谿

之曲多頌悟皆賞初榮十六字補賜以得後試盈而散

恩過魯元王豈三色寵逾寶太帝豈□□每

絕館陶之祈自無昭平之贖粹溫而十五字補敏靜孝而詳

以北渚之慈若何西方之聖如是大修圓果采入至空

竟而瑤草淪霜桂枝辭月開元十二載八月辛丑十五字補

邁疾薨於京永嘉里第享丰世八嗚呼哀哉上撤懸久

悼降次增涕京尹護喪群司蕙事其丰仲冬壬午陪葬

于十一字補

橋陵生資敬愛殁効克奉簫史樓中鳳音何望軒轅臺

下龍德乃攀子西華等扶杖而立茹荼以泣潺

媛赴賓

十五字補

憫默觀者羽葆容裔翰林酸嘶又昭于遺

風誰著縑蘭猨厥後代諒憑刊刻豐碑

立睿礼親紆

捧戴則奔馳四靈光

十九字補

華則迴薄七曜明山可轉

字補

况連於銑鑿園圃帷積重鎔於琅玕俾銅縷之湮沉由

原書

寶書而飛動禮臣不佞敢佗銘曰

十三字補

天其有章銀漢玉潢我財有祥霄明燭光柔祇不忒芳

問允塞何波穠矣其儀是則鳳凰于飛分子同歸琴瑟

在御德

十四字補

音其逮何沈寥之繁秋兮獨杳杳之園夜

何闇忽之誰忍兮痛明靈之平俗清霜晶月楚挽將發

流吹結雲秦聲不聞

十四字補

惟聖皇兮固金石噫長

森松栢榮以

原書

諤終悼之兮長不斂

右唐涼國長公主碑下截不全上截亦有斷裂紋文

字不可盡讀首行前有御書二大字正書餘隸書攷

金石錄知蘇頲纂而明皇書之者也按史睿宗第三

女荊山公主下嫁薛伯陽第六女涼國公主亦下嫁

薛伯陽此碑云公主初封仙源

原注此本不存封僊源字狀弟四行首一

字有源字下接云其徙也稱長於涼國此封僊源之證

既封涼國下嫁故丞相

太原溫彥博曾孫曠唐史溫彥博傳亦載曠尚涼國

公主事而公主傳獨無曠名故趙子函郭允伯諸公

皆謂公主初封僊源嫁薛稷子伯陽及伯陽坐父稷

流嶺表自殺乃改封涼國夏嫁彥博曾孫曠碑諱伯

陽史逸曠也余謂此事恐唐書公主傳有鎔誤處荊

山公主已嫁伯陽不應僊源又嫁伯陽也以碑不言
伯陽謂碑爲公主諱不知唐人初不諱再嫁事鄖國
長公主碑前言嬪于薛氏後云改嬪它士亦元宗御
書絕不爲諱何獨涼國則諱言伯陽耶當是公主傳
誤重伯陽名而遺曦未載耳要當以碑爲正

案碑在明時尚完好後爲土人擊扑損半狀字迹
甚可辨今取家藏舊拓本校之多原書二百三十
三字特錄補以資金石家攷古之助

唐鄖國長公主碑

開元十三季

大唐鄖國長公主神道碑銘

御書

中書

令修國史上柱國英國公□張說□

案修字
以下補

臣聞堯有娥英牽九族之敦叙舜有宵燭動百里之光
曜大聖之後天必縱之積善之家神所慶矣豈惟上帝
之女雲漢爲靈平王之孫大聖至此補肅邕其德連華崩志
代有其人 皇唐鄖國長公主者字補

睿宗之第七女也母曰崔貴妃構累聖而成門合濟美
而爲室蘊乾坤之純粹演日月之清明神媛誕靈常言
所絕免懷之歲天奪爲室至此補

聖善不食三日哀比成人文母流胎教之慈曾子得生

知之孝由是宮闈延矚邦國遠聞□□玉笄耀首油軒

在馭錫之美地邑以荆山

之孝至此補

求之令族嬪于薛氏

爾其居玩圖史動循灋度服其浣濯恭儉之教興鼓其

瑟琴敬讓之風被其行已也安親惠下之謂仁敬宗好

合之恭儉至此補謂義降貴接卑之謂禮恕情周物之謂智

推心而行罔不諒備其理家也視膳饗餼之均和主饋

醴醢之品齊絲竹七音之激靡纂組九該備至此補華之綉

麗經目所涉罔不精詣每至三元上賀五日中參進對

詳華折旋舒婉故以式瞻貴里儀範通門如千花之泛

惠風百卉之涵膏進對至此補露窈窕之宜克舉繁衍之福

大來有男子四女子五瑤琨生階芝蘭滿室者也習禮

明詩日漸閨庭之訓銀章艾綬地連恩澤之侯自生階至此補

先朝澈展之辰迄分子成笙之日叶除過制內疚餘哀

手寫金字梵經三部躬繡綵線佛像二鋪貝葉真偈現

心相於銀鈎蓮花妙容呈寫金至此補意生於玉指孝思惟

則道遠乎哉開元繼明推恩由已進對郎國長公主食

邑一千四百戶田賦廣而彌儉禮秩尊而益恭其後君

子晨封郎至此補歌夫人晝哭未亡為稱生意盡矣撫視遺

孤將守栢舟之誓志祈剝落永迄柰苑之遊朝制斷恩

改降鄭氏陵谷可易隨和之德不昧寒誓字至此補暑有遷

松竹之性如一均養七子麻蔭二宗汾陰之室忘亡榮

陽之黨相慶既而福善虛應寢疾彌留盡國醫之技遠

方畢至供御府之念字至此補藥中使相望命之必至不可

父也堂邑山林忽焉瘁色平陽歌舞適足愁人開元十

三季二月庚午薨于河南縣之脩榮里春秋世有七陽

至此震悼補紫庭哀傷朱邱傾家若墜舉國同悲

有補詔光祿卿孟德監護喪葬京兆少尹能延休

副焉宅窆之禮一如涼國長公此補詔字至主故事憂四月

恩旨陪葬于橋陵不祔不從古之道也

皇上念同氣之懿美感閼川之永謝帳棣華之

半缺悲從字至瑶此補草之先化乃命國史昭銘懿迹降

恩礼於雲露寫哀詞於金石水北湘渚還起帝子

之詞山是洛陽即對天妹之冢銘曰哀詞至此補

帝系白雲僊源紫氣漲家成國奉天佐貴赫赫

聖祖曰文曰武皇皇

睿宗一變万邦挺生淑媛慈和孝恭清曠如神娥眉無

雙邱第立官湯沐建封丰及笄總禮施環珮鳴鳳獻祥

乘龍擇對帝唐降女天乙此補歸妹珠玉過庭蘋蘩

正内蛟門早闋龍湖忽上無地何載無天何仰金澌書

經華絲繡偽欲報之德昊天罔極孰是言歸良人永違

銀鑪無字至此補煙斷羅幕霜飛顰毀形託身壞衣不諒

人只改嬪他士稟命曰從從人曰順息媯繩楚懷羸霸

晉反經合權與道同韻燠休二室均歡稟命至此補等潤四

海謐清九族和平萬物向榮衆雖未成心戀盛明形隨

落英祖載鼎城歸窆咸京挽歌敷聲鹵簿凶行哀哀

聖情惻惻形隨至此補同生橋山斥石千秋令名

右唐鄜國長公主碑明皇御書今僅存半段二十行
 行二十二字第一行御書二字下有中書令三字似
 是纂人官階下缺不能詳其姓名矣此碑不載于趙
 氏金石錄趙子畱作石墨鐫華載秦中唐碑頗多此
 亦見遺唯鄭漁仲金石略載其目云在同州今亦不
 知其所從得也前云嬪于薛氏後云改嬪它士則知
 其再醮矣唐時公主有三適人者淫蕩無恥殊不足
 責朕至豐碑巨刻豎之墓門宰相纂文天子書丹獨
 不可少爲之諱而必一一詳之豈唐世絕不以改嫁
 爲失節事耶按史鄜國公主初適薛徹再適鄭孝義
 碑下缺不見鄭氏字朕亦未必誤也 諸杏程類谷

居近橐書鄜國長公主碑後云碑述改嫁一節云撫
 視遺孤將守柏舟之誓志期剝落永從柰苑之游朝
 制斷恩改降鄭氏陵谷可移隨和之德不昧寒暑有
 遷松竹之性如一均養七子麻蔭二宗余本自誓字
 以下至寒字皆缺不復見杏程所得本何全美乃介
 耶杏程梁谿人善古文辭與余定交京師極賞余金
 石存癸酉冬日屢晤于秦少司寇座中知其爲南沙
 先生門人淵源有自宜其濡染者深耳

案此與涼國長公主碑同在今陝西蒲城縣橋陵
 文二十三行行五十二字上截尚完好下截蝕損
 過半而字俱可辨不知原書何以僅存上截二十

二字豈所收拓本止此一半耶今取家藏舊本按
補五百六十八字庶乎文字可讀而公主事實亦
詳著矣

唐伯夷叔齊廟碑

開元十三年

古義士伯夷糾齊二公碑

并序

安定梁昇卿纂文

及書

二公諱伯夷糾齊皆有殷時遼東孤竹君之子也自歷
載所記有國以來事之善者莫先於讓是故君老於位
命立糾齊二固辭以請伯二固請以不嗣遂相與義退
遁逝西周當是時也帝殷不臧用錡天紀人棄莫保以
戴于周二武王秉白旄杖黃鉞經綸所已撥亂威略所

以讎罰雷震萬國風行六師二公于時推忠臣之誠明
死君之節伏車而諫慷慨瀝血且夫大運不以旨曠達
節不召義距黔首焉得以厭毒鬼神焉得以繇主於是
討罪于西為天下王式公以立忠貞也檢身操也建侯
戡難不可以闕也以臣伐君不可以訕也相於國莫非
其土異於事不食其糗乃西上首陽之山歌采薇而死
蓋天下義感之始也及孔子生東周之季演中興灋游
憂之徒皆誨納於教未嘗敘仁人烈士不先于二公者
焉謂不辱其身不降其志若乃紛綸茂德載在策府
勛太伯之道子臧之仁也上思附義退曰能賢則宋蘇
之言延陵之行也道無不貴志不苟合勛許由出尚伯

成之高也。憲必中清，廢能中權，則虞仲之居夷，供之放也。聲垂事載，功存業廣，則范滂之去魯，連之舜也。此數公者，至於黜榮，保讓，亦為盛矣。兼之固君臣之分，以愛其節，則曷可以同議也？所謂繼之者忠矣，杖之者義矣。施之者誠矣，用之者確矣。昭矣，卑矣，肆矣，允矣。上古無以加百代為之憲，越大梁，歲行于是，邦遇縣，寧太原。王公惠工，訓農勸學，敬教羣業，頓以繫賴，四方咨於佗。黜色臨未，周人悅有化，以為二公廟德，不祀實甚懼焉。復何以圖不朽示來者而已？遂因簡力考餘，時經始是，歆歆崇舊規，厥構棘翼，自公尸之，然則表前載，楊懿烈，使駿光熊，一載紀事也。以吾學乎舊史氏，請隲其父。

固不佞乃作銘曰

大道混二或險夷兮，殷實荒德，莫業于主人。袍疑兮，帝用克西大運期兮，天下爭利而獨犇義，貞名繄兮。神農虞夏氏已，浸曷所惟兮，斲石千龔，聞風規兮。

黃鉞不降志

開元十有三年，惟一月，旣盟刊立。

衛鶴

趙禮范謙刻字

右唐伯夷叔齊廟碑，在今直隸永平府。開元十三季，立梁昇卿纂文及書書，故是唐人本色。敘銘浮廓，未足闡揚夷齊萬一也。揚懿烈揚字，从木作楊，固不佞乃作銘曰：固字義當作故，非筆誤則好奇之過也。杖

之者義矣義字下考餘時餘字下各空一字于義不解又銘詞末句下越十二字忽有黃鉞不降志五字于文義不知所屬狀係昇卿一手書非後人羈入者皆不可解也壬申正月余初至京師偕王小史及五弟南生過琉璃廠書棚首得此碑遂解橐金易之攜入國子監南學崇志堂閱畢跋義土烈土皆士字也漢隸書士字下畫皆長與水土字無別韓勅碑四方土仁史晨碑百辟卿土周憬碑濟濟吉土石門頌庶土悅靡侯成碑遐邇土仁皆狀唐人則不如此昇卿亦偶用漢法耳余初得是碑友人有爲余言是碑在今永平者永平古孤竹國也二賢祠廟在是廟

貌甚壯碑在焉攷顧亭林金石文字記于此碑下注云今在蒲州首陽山二賢廟中顧公往來秦晉其所注記必不誤余所聞始傳聞也或永平亦摹是碑而刻之耶須再攷之

案碑杖之者義下及考餘下審文義相屬而石本各空一字此疑摹刻之譌蓋古人書丹于石至唐宋多用紙本鈎摹此處空字或當時誤書它字塗抹紙上而鈎摹者不知竟至誤空一字事或有之後黃鉞不降志五字檢本文有杖黃鉞及不降其志句必是前書未愜更于行末空處書此數字令刻工易置之乃又於摹上石誤衍五字固無可疑

者雖臆說無憑狀今時亦往往有之

近見江西本大令十三行

誤重刻神光二字又類帖中有雙鉤蘭亭據一老刻工云此實非雙鉤本因勒石人遲未鑿空遂署其名曰唐人雙鉤本耳彼曾親見之二刻與此相類故附記下方

唐右丞衛將軍乙速孤行儼碑

開元十三季

唐故右丞衛將軍乙速孤公碑

補 隸額

大唐故右丞衛將軍上柱國乙速孤府君碑銘

并序

正議大夫守秘書監修文館學士兼修國史上柱國

劉憲撰 朝議郎行秘書郎白義晳書

案乙速以下九字及館學

二字兼修以下五字然今補

□□□□與

補字

文德而競馳陰之歲功配陽和而竝運

案二句原書止存之功陽而四字

利

補字

用厚生

二字補

□□□□古以來

三字

補

折衝禦侮之材何代幾有秦之強也起翦帙賁用其

兵漢之盛也辛

原書

李衛霍

原書

為其將

大唐操升

補字

陳帶甲百萬授鉞

二字原書

七

補字其有中

分麾下堂堂正正之師

若敵國

以上三句原書止存其有正師敵五

負赳赳桓桓之稱者在於乙速孤府君矣公諱行儼

字行儼本姓王氏太原人也五代祖有功於魏

友

補字

焉因居京地

仙

補字

車千秋之佐相重錫華宗家

而乏賢人何時而不賢曾祖安齊前鋒都督右武侯右

六府驍騎將軍開府儀同

補字

州刺史隨

益州

補字

仁郡開國

二字原

公從孝移忠遷

黨事憂司馬安之四至晏平仲之一心祖晟 皇朝

上開府右武侯右甘府左車騎將軍驃騎將軍藏補字□

□□□□□用功叅□將寵盛興□父神此補慶右

虞補字□□率撿校右此補虞補字至□軍衛將軍氣岸瓌傑

忠力雄補字武持軍補字以禮陰德有徵才子挺生將門斯

左公鍾家代原書之休烈奉韜鈴此下原書以下文經

百三十餘字誤補字之成訓鵬□□於霄漢□□溢於風

颺得補三字□灋補字於□□習軍容於嬉戲子房補二字智

勇□其竦敵郄穀補三字詩書頗天兼譚永徽中司成生

擢第明慶中丁父憂性實過人俯而就禮麟德初補字授

宣德□號□府記室補二字參軍事補字□□□□□□□□

□曳裾補二字其間首席推美咸亨元丰補四字以將門子

弟授振威校尉守普濟府左果毅都尉丁太夫人憂哭

泣之節饘粥之數復如居原書府君之喪補二字儀鳳二

丰勅除興國補二字府右果毅補三字都尉鎮河補二字

源軍補字定州道補字□□河陽橋畚拱二丰授游擊

將軍黃城府左果毅都尉畝果為毅從戎以律洗兵鹽

澤秣馬中山原書護濁河之橋綰黃圖之府智謀洋溢

威武紛紜□靜翔補二字雷氣補字雄京色永昌元丰制

除朝散大夫縣州司馬天授二丰加朝議大夫長壽二

丰除資州長史延載元丰加中樞大夫補二字題輿縣□

辰□資中風俗所同補字政教如蠶補字證聖元丰補四字

制除使持節萬

補字州諸軍

補字

事萬州刺史萬歲

補二字

通

天元丰

制加大中大夫二丰加大中大夫其丰檢校永

州刺史聖園二丰授使持節都督夔

補字

歸忠萬渝涪

補字

補等七州諸軍事

補字

守夔

補字

州刺史三丰授使持節

都督廣韶

原書端

康封崗等

二州諸軍事守廣州刺

史長安王丰授使持節泉州諸軍事守泉州刺史神龍

元丰授使持節都督黔

其丰加正議大夫神授政理

方州典郡周官牧伯之尊

補字棄

山窮禹貢

原書

彰楊之域

補字

控御數千里周

補二字

旋廿丰化洽夷夏功

生祠之

畏清酒之盟于今

神龍二丰 墨制授忠

補字忒將軍守右

補字忒衛將軍員外

置同正員特

勅

南衙

原書

上下專委北

補二字

軍事羽林之任歷代為

補五字

而後

補字

安

宋

補字而先

補字

以公確乎忠信

補字

然壯勇命卿之秩掌

孤兒之軍宿衛陞殿

補二字

而逾嚴

激巡嚴廊而匪懈

壘垣增肅軒禁

補字

穆清錫御府之金錢分大官之玉

食殊異所

補三字

建

補字

使相望

補字

持戟筋力

為倦輸節竭誠心術俱盡神用疲而致損腠理勞而生

疾其歲夏中遇病廳事半體云廢經時

原書字脫又自此至天屬為重

誤在上文奉韜鈴下詳前注

未瘳願休攝於家庭

補字

遂遲迴於

補二字

關陳

補二字

情

原書

移手于右

今通作拜

疏理切詞殫

補字

感

宸

補七字

衷

補原書

特聽致仕

補字

仍衰美績更惜羸

痾

睿旨殷

補原書

勤形乎綽翰公結欵而辭

雲陞投

送

而返私門懸廣德之安車施仲翁之行馬仙方上藥

奠

補字

性布延齡

補二字

芳醞

補字

嘉羞

補字

且忘憂而

而分

紫霧息

補字

允命昆弟

補字

之子令

補字

從為嗣

育侔

於已生

仕為太子通事舍人坐外氏累左除漆

秦

州扶驪

補字

縣令公天

補字

屬

補原書

為重

補二字

切

猶子

之慈門

補五字

寄所鍾何深

舐

補字

犢之念

亦既離

補字

舊疾

暴增春薙七十有二景龍元丰十二月十五日

薨于大

補字

寧里第嗚呼哀哉惟公盛德溫恭雅懷寬肅

補字

行無文

補二字

飾言

補原書

不浮華出身入仕

靡

補字

欺暗

補原書

室

補字

獨運壺

補原書

舟

補字

於人之善

無所遺

於人之惡

無所

補四字

記可疑

之地投足莫踐弗

稽之謀

措心所絕

親友信而敬之

老少安而懷之

唯

補原書

脫

汲汲以

行仁豈遑遑而求利

防衛

補字

之際屢有奇功

撫字之方

補字

彰靈感

公之

補三字

在永州也

屬時

補字

不登土

補三字

人多饒罄

補二字

倉儲而罕贍

据山谷而無

資所部

果中紫饒

魯竹盤根合翠珍

補字

漫蒼然忽於一

朝結實

咸徧若五穀之

畱穎油

補九字

然可觀

比于菑之

詠

補此字至

人皆

補此字至

盈路

公仍持數

石奏進京師

聖旨嗟歎其靈味

公之在莫州也

隣果

不虞

補字

羣蠻輒擾

侵軼城郭

補二字

殘傷吏

補字

人公

補字

不

補字

制命□□致討威靈震蕩氣□□清稽顙咽於□

□□□□於補字汧水天朝命將甫戒於師期邊郡飛

書已聞於戰捷雖耿弇之不遺原書字脫賊於君父示何補字

以尚茲時嘉乃功□書補字慰原書勉□□之□□□

□長遺□□令德補二字曰吾遭遇□□□□卅餘載

艱難以報不敢絲毫補三字有負於聖朝家業繁貧喪

葬所須務補字節儉勿違吾平生志也所樹碑務令□

實無為虛美□□吾真原書爾□唯清唯慎勿矜勿伐

財吾死而無恨矣夫人常樂縣君賀若氏宋公弼之姪

孫開州刺史懷柔之第六女門宗之盛鐘補五字鼎連華

家室之歡□□齊契春蠶五十一證歡字至此補聖元丰八

月五日亡補字於萬州官舍維景龍二年歲次景申二月

辛卯朔十六日景丰合葬於雍州醴泉縣白鹿鄉李中

□先府君二字也瑩次禮也嗣補二字子令浚叫補字穹

蒼哀哀補字霜露永補字□□誓終身奉行子壻補字右丞衛

鎰曹參軍安定補字梁望之代業通家□賢補字長者冰清

玉潤常懷國士之恩石字金書顯託中郎之筆補四字□

□□□乃佗銘云補二字子孫必復其補三字

始將門有將其來久補三字矣伊我將軍□代為□壯勇

傑出威稜峻峙文則□良六條千里武以侍衛嚴除補字

軍壘黃霸匪儔宋□寧擬中外宋字至此補□□勤原書

力止補字□□禮優神□疾起補四字□□終□令問不已賢

哉字補伏波誠其兄子

大唐開元十三年歲次乙丑二月景辰朔十六日辛未令從自曹州濟陰縣令袞滿建

勃棄徐元禮鑄

右唐右武衛將軍乙速孤行儼碑今在醴泉縣叱干邨行儼本姓王氏太原人五代祖顯仕魏爲驃騎大將軍賜姓乙速孤氏曾祖安祖晟父昭祐皆爲顯官昭祐自有碑與行儼碑相去十餘步墓亦在焉此碑雖殘缺狀姓名官閥卒葬歲月俱班班可攷惜唐書無傳不能取證耳

案碑字雖蝕損狀尚可讀原書所云缺文今驗碑

完好者且十得二三餘亦明白可辨不知當日所見本何以缺失不全如此矧前後更有倒亂尤所不解

唐紀太山銘

開元十四年

紀太山銘

御製御書

原注四字正書

朕宅帝位十有四載顧惟不德懵于至道任夫難任安夫難安茲朕未知獲戾於上下心之浩盪若涉於大川賴

上帝畱休

先后儲慶宰衡庶尹交修皇

極四海會同丕典敷暘歲云嘉孰人用大和百辟僉謀唱余封禪謂孝莫大於嚴父謂禮莫尊於告天天符既

至人望既積固請不已固辭不獲肆余與夫二三臣稽
 虞典繹漢制張皇六師震疊九寓旌旗有列主馬無譁
 肅肅邕邕翼翼溶溶以至于岱宗順也爾雅曰太山為
 東嶽周官曰兗州之鎮山實惟天帝之孫羣靈之府其
 方處萬物之始故稱岱為其位居五嶽之伯故稱宗焉
 自晉王者受命易姓於斯考敬天地薦成功序圖錄紀
 氏号朕統承先王茲率厥典實欲報園天之眷命為蒼
 生之祈福益敢高視千古自比九皇哉故設壇場於山
 下受羣方之助祭躬封燎於山上冀一獻之通神斯灾
 因高崇天就廣增地之義也乃仲冬庚寅有事東嶽類
 於
 上帝
 我高祖在天之靈罔

不畢降粵翌日禪於社嘗侑

我聖考祀於

皇祇在地之神罔不咸舉暨壬

辰觀羣后上公進曰天子膺天符納丕福羣臣拜稽首
 千萬歲慶答歡同陳 誠以德大渾叶度彝倫攸敘三
 事百揆時乃之功萬物由康地人允植列牧衆宰時乃
 之功一二兄弟篤行孝友錫類萬國時惟休哉我儒制
 禮我史佺樂天地擾順時惟休哉蠻夷戎狄重譯來貢

累聖之化朕何慕焉五靈百寶日來月集

會昌之運朕何感焉凡今而後儆乃在位一王度齊象
 灋摧舊章補缺政存易簡去煩苛思立人極乃見天則
 於戲天生蒸人惟后時又能以美利利天下事天明矣

地德載物惟后時相能以厚生生萬人事地察矣天地
明察鬼神著矣惟我藝祖文考精爽在天

其曰懿予幼孫克享

上帝惟

帝時

若馨香其下丕乃曰有唐氏文武之曾孫隆基誕錫新
命續我舊業永保天祚子孫其奉之余小子敢對揚

上帝之休命財亦與百執事尚綏地人將弔于
削功而災彼後患一夫來獲萬方其罪予弋人有終上
天其知我朕惟寶行三德曰慈儉謙慈者覆無疆之言
儉者崇將來之訓自滿者人損自謙者天益苟如是則
軌速易循基構易守磨石鐫金記後之人聽詞而見
心觀末而知本銘曰

維天生人立君以理維君受命奉天為子代去不畱人
來無已德涼者滅道高斯起赫赫

高祖明明

太宗爰革隨政奄有萬邦罄

天張宇盡地開封武稱有截文表時邕

高宗稽古德施周溥茫茫九夷削平一鼓禮備封禪功

齊舜禹嚴嚴岱宗衍我神主

中宗紹運

舊邦惟新

睿宗繼明天下歸仁恭

己南面氤氲化漳告成之禮畱諸後人緬余小子重基

五聖匪功伐高匪德矜盛欽若祀典丕承永

命至誠動天福我万姓古封太山七十二君或禪弈弈
或禪云云其速不見其名可聞桓譚

文

四一
祖光昭奮勲方士虛誕儒書齷齪供后求僊誣神撿玉
秦災風雨漢污編錄德未合天或奉之辱道左觀政名
非從欲銘心絕嚴播告羣蠻

大唐開元十四年歲在景寅九月乙亥朔十

二日景戌建

原注此二十
十字正書

右唐紀太山銘元宗御製御書磨厓刻于太山之顛
文詞典雅書法適麗足稱雙絕漢隸無大書此字爲
千古獨步唐文粹所載與石刻不同者十餘字皆當
以碑爲正 碑凡二十五行前御製御書四字并季
月皆正書行多者五十一字亦有五十字而輒平格
書者除上帝嚴父等其餘當因厓石有礙故不得滿

行也王元美曰其下三尺許爲搨工惡寒篝火焚蝕
遂缺百餘字朱竹垞云必架木緣縲而上朕後椎柘
可施又山高多風兼慮日暴若是其難也此本字完
好無一筆剗缺紙墨皆古真數百季前拓本也

案碑二十四行行五十一字其不及五十字者
非厓石有礙不能刊刻實則以缺格合數尔 文
上帝坐休上帝字平缺後類于上帝對揚上帝缺
四格克享上帝缺三格同一上帝而缺格不同如
此又高祖平缺累聖五聖缺四格藝祖缺五格太
宗高宗中宗文祖缺六格睿宗至缺八格例無一
定唐刻中比比皆朕直不知其義 孝莫大于嚴

父嚴父字然不平缺石本孝莫大于字適在前行
末則次行自以嚴父屬首此句蓋統論大凡例不
應提行缺格原書于二字別作行殊誤後上天其
知我天字亦平缺同坐此失今然正 碑缺格處
原書俱直寫不缺今據石本分別著錄庶使攷古
者得有依據 銘敘大半偶語羣臣拜稽首千萬
歲對上天子膺天休納丕福原書于拜下增手字
千上增稱字皆石本所無今刪此蓋沿唐文粹之
誤 齊象灋原書象作衆唐文粹亦如此石本實
是象字據改

唐元氏令龐履溫碑

開元二十四年

我國家再膺山河重懸日月明罰飭法覈名實之故典
考績宣力甄象魏之舊章 皇道煥炳而時乘 帝載
綏而尤善最者可屈指而知宣父中都大公灌邑童叟
賁歟卓茂遷蝗男女別途鬼神息暴以今方古君何讓
焉君姓龐氏名履溫字茗水南安人也其先齊逢伯陵
之裔曾祖卿暉元勳佐命功臣第壹等左武侯大將軍
封□國公食實封四百戶贈幽平燕易嬀檀等六州諸
軍事幽州刺史諡曰肅歷數雖改雲雷尚屯披荊棘者
馮吳佐元功者蕭鄧將盟帶礪畫象雲臺圖兼衛霍之
容佐遂漢光之顙曜庸賞懋食邑論封祖同福拜州大

都督府司馬饒州刺史左衛將軍安北都護外撰望殷
 銜珠寄重匪親不粹非賢勿屈皂蓋南臨尋振喬卿之
 譽經旌□卷式標鄭吉之能考拳訓通事舍人鄭州司
 馬贊善大夫率更令將佐少監辭令抑揚 綸鳳述
 旨顯輿叶詠展驥治中洪洞方樟允供於邦造激揚少
 棄贊□於□山君純德天歎木杵靈降龍章鳳彩凝脂
 點漆出忠入孝遊藝依仕荒蕪四壁寥廓千丈代陪豐
 沛親預葭莩翼麟翰之□□風雲之會漢表有外戚恩
 澤周詩有申伯□□起家補昭文生從勲閥也長安二
 年明經擢第擢宣州叅軍尋授冀州司功叅軍事秩滿
 丁二親憂痛瘁瑩枝哀酸隣社淫而不返杖而後行纔

禪一丰甫從常調開元十九丰春會府遂拜公為此縣
 令魯子臯之為政禮變邠人漢原涉之舉能威行谷□
 庶矣富矣又□加為導之丞之非君莫可君有善政者
 七風電咸□於屬城對稼獨滋於元氏其政一也頃以
 陽光輟卉陰液乖旬苗憲騰興人或狼顧公鑒奠珪幣
 稽顙壇場俄而油雲四周膏雨百里其政二也闢土菑
 畬用□分地勸東作而播稼課西成之銓鰥躬臨樹藝
 親載酒膠故使憂農服田秋得其實其政三也詢知疾
 苦所患壺丁撫狀呈陳應時申削籍無□稅人獲息肩
 其政四也修職奉符不為進越下胥鬱滯必掣肘諭言
 每課田租時臨調賦寬為□約曾無再輸其政五也此

地俗多幘岐跼躑彈絃繁曰難持更舉寬弛公整其銜策適其權豪輒去害羣懷心斂跡昇政六也先縣館宅湫漏與百姓雜居公薄責人傭先抽已俸雖與憲始而可以樂成其政七年是以廉平稱職西河知魯衛之風清儉當官南土變□齊之俗可大可久是謂賢人之德帷幾帷深以成天下之務公儀如繪畫神茗轉規聲以聞於震雷用無待於周月惠如春露吏人不能窺喜愠之容結茗冬冰偵殖不能動首陽之行蓄霜鍾於絳府育感必通樓月鏡於園臺觸形皆照邑老謝虔裕等竝鄉庭積善掾吏安排行義以達其道隱居已求其志相與族談城府鎔立康莊裒德匪舒宣風技瘡或叫帝

聞而抒美或邀使駕而論功衆志□誠如寒附火於是圖徽翠園託輿金聲其詞曰

清風汎濫兮其來溥茂宰馳能兮超卓魯雞犬相聞兮人安堵一同仰之兮如父母聽謳謠兮詢疾苦踰屬城兮光趙部趙武遺風兮多幘岐君子為之屏姦偽化澆浮兮勗以義邑□□兮市霖二政勝殘兮仍博施如水火兮時不匱刻石鐫金兮遠傳懿直為循良兮守名器開元二十四年歲在困敦津中夾鍾□□建 肖鹿泉縣令邵混之纂 蔡有隣書 前縣錄事謝積善

右唐元氏令龐履溫碑邵混之纂蔡有鄰書開元二十四年建金石文字記云今在元氏縣西寺內碑陰

有宋熙寧九年孟士龍遷碑記滎陽鄭陶纂按此碑
不過縣令德政頌耳龐君初無卓絕之政可傳不朽
者唯有鄰書法真足名家與開元帝同時而清勁有
骨不染浮豔卽昇卿惟則皆當避席也 碑有云圖
兼衛霍之容此指衛青霍去病蓋偕霍爲霍也鶴字
隸書有从霍作鶴者此又轉以霍爲霍姓字又銘詞
有云刻石鑄金兮遠傳懿遠本音賄義與薦同此似
用爲遠近字 此碑及青州北齊南陽寺碑皆濟寧
劉雨亭居易山房藏本余偕摹于濟寧司馬署中雨
亭收集金石文字極富與余評論彈駁皆中肯綮因
有鍼芥之合將盡啟其藏俾余飽讀乃以戊辰六月

遽歸道山矣嗣子幼弱遺書將不可問惜余未閱其
十一也追思故人爲之黯怏

唐大智禪師碑

開元二十四年

大唐故大智禪師碑銘并序

中書侍郎嚴挺之撰

右羽林軍錄事參軍集賢院待

制兼校理史惟

則書并篆額

夫聖人以仁德育物者則醴泉潛應而湧嘉禾不播而
植神功以不宰寧運者則因宗會境而立正法由因而
備然則育靈允荅爰九疇而式敘無爲克成超萬爲而
罔濟暨

今上文明大開淨業溥福利真慈

之澤闢權智衆善之門精求覺藏汲引僧寶注必與親

念則隨應張皇通達之路騰演元亨之衢者其惟我大
智禪師乎禪師諱義福上黨銅鞮人也俗姓姜氏系本
於齊官因於潞載鴻休於邦諱踐貞軌於家範曾祖鴈
門令大父烈孝並棲尚衡門禪師始能言已見聰哲稍
有識便離貪取先慈矜異遺訓出家年甫十五遊於衛
觀藝于鄴雖在白衣已奉持沙門清淨律行始爲鄴衛
之松栢矣乃遠迹尋詣探極冥搜至汝南中流山靈泉
寺讀法華維摩等經勤力不倦時月遍誦畧無所遺後
於爽分端唱經偈忽聞庭際落風雨聲視之乃空中落
舍利數百粒又於都福先寺師事拙法師廣習大乘經
論區析理義多所通括以爲未臻園極深求典與時嵩

嶽大師法如演不思議要用特生信重夕惕不遑既至
而如公遷謝帳然悲憤追踐經行者久之載初歲遂落
髮具戒律行貞苦自介分衛一食而已聞荊州玉泉道
場大通禪師以禪惠兼化加刻意誓行苦身勵節將投
膝緣則席不暇暖顙依慈救故遊不滯方既謁大師率
呈操業一面盡敬以爲真吾師也大師乃應相會識垢
散惱除既而攝念慮棲榛林練五門入七淨毀譽不關
於視聽榮辱豈繫於人我或霏雪霜衣食罄匱未嘗見
於顏色有厭苦之容積年鑽求確然大悟造微而內外
無寄適用而威儀不捨大師乃授以空藏印以摠持周
旋十事不共一念雖大法未備其超步之迹固以遠矣

後大師應召至東都天宮寺現疾因廣明有身之患唯
禪師親在左右密有傳付人莫能知後聖僧萬迴遇見
禪師謂衆人曰因通正法必此人也神龍歲自嵩山嶽
寺為羣公所請邀至東師遊於終南化感寺棲置法堂
濱際林水外不離俗內得安神宴居寥廓廿年所時有
息心貞信之士抗迹隱淪之輩雖負才藉貴鴻名碩德
皆割弃慶欲洗心清淨齋莊肅敬供施無方或請發菩
提或參扣禪契有好慕而求進脩者有厭苦而求利益
者莫不懇摯專一披露塵惱禪師由是開演先師之業
懋宣至聖之教語則無像應不以情規濟方圓各以其
器陶津緣性必詣其實廣燎明招之燈洞鑒昏沉之路

心無所伏故物無不伏功不自己乃功無不成迷識者
以悟日新愛形者由化能革不遠千里曾未旬時騰湊
道場延袤山谷所謂旃檀移植異類同薰摩尼迴曜衆
珍自積其若是乎如來以四諦凜濟三乘衆生以八正
道示一切迷惑其或繼之者善成之者性非夫行可與
眞靜齊致道可與凜身同體者固難議於斯開元十丰
長安道俗請禪師住京城慈恩寺十三丰

皇帝東巡河洛特令赴都居福先寺十五丰放還京師
廿一丰 恩旨復令入都至南龍興寺曰此人境

之靜也遂留憩焉沙門四輩靡然向風者日有千數其
因環里市絕葷茹而歸向者不可勝計廿三丰秋八月

始現衰疾閉關晦養不接人事誠諸門徒曰吾聞道在心不在事法由己非由人當自勤力以濟神用衆以為付屬之萌也明丰夏五月加疾減膳廿四日申酉之間有白虹十餘道通亘輝映久而不滅廿五日際晚攝念開顏謂近侍數人云本師釋迦示現受生七十有九乃般涅槃吾今得佛之同丰更何所任又云卧去坐去亦何筌別便各脇枕手畢足而卧此則知身非實處疾不亂奄忽棄世無覺知者

皇帝降中使特加

慰贈尋策謚号曰大智禪師即大智本行皆悉成就以禪師能備此本行也禪師法輪始自天竺達摩大教東派三百餘年獨稱東山學門也自可際信忍至大通通

相印屬大通之傳付者河東普寂與禪師二人即東山繼德七代于茲矣禪師性篤仁厚天姿通簡取捨自在深淨無邊苦已任真曠心濟物居道訓俗不忘於忠孝虛注實歸尤見其困默有無不足定其體名數安能極其稱園波難挹高棟云摧既離形器之表當會神通之域粵七月六日遷神于龍門奉先寺之北岡威儀法事盡令官給檀紳縞縗者數百人士庶喪服者有萬計自鼎門至于塔所雲集雷勵信宿不絕棺將臨壙有五色祥雲白鶴數十雲光鶴影皆臨棺上鬱靄徘徊倏掩而散近古歸墓靈相未有如斯之盛也禪師之季曰道深力方墳而心盡弟子莊濟等營豐碑而志勤伊余識昧

咎嘗面稟非以文詞取拙將為剋慕在懷覽江夏立銘
涕增橫墜覩太原成論悲甚慨然攀緣苦焦顛望都斷
有太僕卿濮陽杜昱者與余法利同事共集禪師衆所
知見實錄其餘傳聞不必盡記且離生滅是究竟無餘
鏤盤盂乃古今難沫顧甘不稱物短綆汲深猶咎人稽
首東向獻心廬嶽者以為懇慕之極況鐫刻永世不猶
愈乎其銘曰

契真慈者道為物先靈力幽授降劫生賢爰茲大士寂
照園宣惠超三業心空四禪德溥甘露言感清泉翻軒
宗極念護無邊猶波檀施兮福未嘗有如波戒瓶兮物
無不受石無磷兮白不涅栢耐霜兮竹停雪今將遺世

兮無有量永離蓋纏兮舜生滅門人法侶兮無歸仰刻
因琨金兮狀高節望廬山兮摧慕瞻朗谷兮悲絕

開元廿四丰歲在丙子九月丁丑朔十八日

甲午建

史子華刻字

右唐大智禪師碑史惟則書大智見唐書方技傳傳
云二十季卒碑云二十四季當由傳誤 郭允伯云
史書雖濃郁而縝密適暢筋骨不乏所以肉不病肥
王元美云其行筆絕類太山銘而縝密過之知開元
帝潤色所自目余謂史書縝密固其所長狀能密而
不能疏此所以與漢人終隔一膜也 碑書縝紳作
楷紳蓋以縉亦作搢遂譌手為木目

四·九
碑陰

大智禪師碑陰記

河南少尹陽伯成撰

夫道非言言以明道也空非相相以泯空也 禪師殄
天冥符曠劫傳印出等騰非非適來時也適去順也
上自 宸扆下達蒸勑纔仰青蓮之光旋驚白林之會
中書侍郎嚴公探秘藏決詞汪洋兮文宗昭昭兮靈
迹伯成殊昧先覺忝在後塵糺合羣公激揚衆美豈翰
墨以云朽將金石以齊固所謂非六經曷以明夫子也
非四偈曷以曉真如也凡捨淨財者 人具顯爵里
于時歲在辛巳五月庚戌十八日丁卯皇唐開元廿九
年也 通直郎行河南府伊闕縣尉集賢院待 制兼

校理史惟則書

施碑石主弟子朝散大夫行華原縣

令劉同

右大智禪師碑陰陽伯成纂亦史惟則書前碑書于

開元二十四年碑陰書于二十九年前碑老勁莊嚴

令人望之生畏此書骨力猶舊覺稍參以和緩之致

不甚如前碑之奮張耳乃趙子函反謂其瘦而少態

何也

唐任城縣橋亭碑

開元二十六年

任城縣橋亭記

篆額

橋亭記

將仕郎守尉游芳纂文

朝散郎行尉華容縣開國男瑯琊王言書

唐再受命能事備於開元乃十有三年告成於岱

翠華之逞也則北巡濟河

玉軼之旋也

則南指陳宋故

行宮御路次夫任城爲陽門橋

者跨泗之別流當魯之要衝初隨時以旣濟因

大駕而改功觀其壅水爲池因地設險削金堰於

馳道甃石門以飛橋夾以朱欄揭以華表炳苔星漢

拖如虹蜺蓋

樂輿乃召陽朝

御六龍翊萬騎聲明紀律文物比象迴

睿覽於洲渚駐

天蹕於水梁先時望

君之來也則金繩以界之鐵鎖以扃之厥後榮

君之顧也則浚池以廣之築館以旌之經始

茲宇惠而不費當儲峙之末有芻粟之餘散之則人獲

壘錢鳩之則勤以千計請爲亭館以壯橋池故鄉老老

白於吏邑吏謀於府因人之欲得事之宜磬鼓不勝互

力徒競鬱爲層構在水之陽墜鮮原以迥出流古壙而

却倚危攔巘_二反宇峨_二勢搖煙潭岌岌飛動南軒虛

明以晃朗北窳懿潭而清冷白堂沮_{原書}亭邐迤幽淫

上覆藤篠前臨芰荷憑高佇目萬象皆見夫河南之勝

有三橋亭得其一梁園有_王之迹圃田有僕射之陂

平池西榭美則美矣豈與夫島嶼開合林嶂蔽虧旁薄

大荒吐納霞景畫橋南度_{字補}像清洛_{字補}之規虛館_{字補}臨

叶滄洲之趣有是夫有是夫任風姓之國也謠俗古遠

其太昊氏之遺人富而教之合於魯頌當
縣事而朝野多歡不然者此池何旨得花縣之名吾寮
何以得仙舟之目不其□而時則有若
鄭公延葉信昭盈缶道契虛舟禮樂之行仁德歸厚
丞范陽盧瓚
主簿平昌孟景
尉瑯琊玉子言
尉
河東裴迥皆士林英華學府金碧能勤在公之節無廢
會友之文嘗授簡於芳以為之記會芳有公車之名請
俟於異時金鄉尉賴川韓邠卿舍於裴氏言於衆曰游
子之讓斯文以諸公在此諸公之意也子何辭焉因命
秉燭俾芳操翰夜而成記翌日遂行開元廿六丰秋七
月旬有四日云

大唐開元廿有六丰閏八月又日建

通直郎行方與縣尉王日雲篆額

□□□

萬嶠

劉遇

薛遂之

右唐任城縣橋亭記游芳纂文王子言書王日雲篆
額開元帝東封乃十三季十一月事此云十二季告
成于岱誤記也滎陽鄭公名延下一字似華非華似
葉非葉不知當是何字人獲一錢人字添注于菊花
縣花字从俗作花皆僅見此碑

金石存卷十四

一萬三千七百三十七字

金石存卷十四
一五十九百五十六
大書開元廿六年八月五日

金石存卷十五

淮安吳玉搢纂

間妙香室校本

隸存十

唐韓賞告舉嶽文

天寶元年

惟廿七祀孟秋右補闕韓賞取昭告于泰華府君祠廟
惟天地之亏人惟山川之有神人有識而神有靈人賢
聰而神貴明於昭靈山與天窮冥載在祀典鎮于上京
自古帝王徵應不一荒淫者神降之凶聖哲者神授之
吉惟茲臣庶鑒乎得失今予小子造于神祠將有所
所盟神其聽之人有嗜好各為私禮顧無所求
唯道是憂今者內禱於身外盟於神如有一心公

朝戮力生人惟

神是福崎嶇止道僊俛在位惟

明泰華昭鑒于茲瞻波牲牢抑帷常禮神嗜正直意存
精誠正直以享神精誠以享意拳然跼慮瞿然改容益
靈山之嵯峨增壽宮之肅穆歷階跼進髣髴其形尚饗
未寶元丰歲次壬午四月乙亥朔十日甲申諸
王侍書榮王府司馬韓擇木書

右唐韓賞告華嶽文韓擇木書擇木于唐甚有書名
少陵所謂尚書韓擇木騎曹蔡有鄰開元以來數八
分者是也賞告神之詞曰一心公朝戮力生人惟神
是福崎嶇世道僊俛在位惟神所極按僊俛與詩邶

風黽免同嚴華谷詩緝曰猶勉彊也力所不堪心所
不欲而勉彊爲之曰黽免陶淵明曰僊免六九季潘
岳曰僊俛恭朝命皆同此意此云僊俛在位非有大
失何至爲神所極或以俛字義本同俯謂是俯仰取
容之意則可狀又不宜與僊同用

唐元元靈應頌

天寶元季

至矣哉皇法於天天灋於道屈大寶者必尊

祖

呂配天孫庶類者咸宅生以母道□□□□□宗園

教三后在天代紹明德然後彌綸區宇昭格神祇其能
承二美之盛烈首千古之洪化者卓哉煌煌歸我唐
室矣
皇上受圖享國蓋卅載功侔天地孝誠

祖考其高明也希星辰以有倫其博厚也□河海而不洩至於捐群后敘彝倫陶鑄堯舜湫隘軒頊者乃
 皇上之餘事也嘗端居宣室緬懷至道惟德動
 天夢啟靈應忽恍有物希夷園通宴□□□園祖之明
 命錫霖疆之寶圖乃潛誌園象遵□□□□□□□□□□
 東連鄠杜号周史之經臺枕秦山之幽谷肇屈尹喜集
 法侶為道門後遇□□□□□□□□□□□□□□□□
 僊軾仍存卜勝宗因此為淵落飛泉噴石重林闌景苔
 癭地偏以恒深煙雲晝晴而不散睟容挺出赭然有光
 煥白虹於玉座紉紫氣於僊境泊蓮□□□□□□□□
 睿覽宛苻夢寐
 寐謔蓋聖人有以見天下之蹟而擬諸形容聖人有以

見天下之動而觀其會通者可舉之壹隅矣其始迺也
 焚芝术辟葷羶寂歷無聲擎蹠有則初靡荔席次登靈
 壇涂肩綵杠少息華館清賴颺颺於草樹天香氤氲於
 崖谷及路轉莽蒼風順崆峒雲鶴翊以導輿群僊扈而
 成列逮地邇天苑闡轅國門蜺旌鳳蕭風馳海合毛節
 羽蓋波屬霧委萬姓翹首於西城百辟候儀於北闕
 園園如也
 皇上乃捧昇露寢奉光思孝集僊府

召陳齋圖混成而告遠不崇朝而通八景未浹旬以遍
 六合故群臣率僊慶靈稱觴獻壽森旗伐鼓何其盛哉
 於戲
 園元之道南礪萬物眇為化先猗韋氏得
 之而挈天地伏犧氏得之以龍氣母望若王母西崑比

之如朝菌麻姑東海涵之如夏蟲沖靈馭風蓋錙銖於
糠粃王喬控鶴方輶轢於蓬蒿信無上歟信元氣歟且
天啓皇唐儲社罔極其功神者其應大其源靈者
其流長咎王室將傾我則電擊以存國不止望牽
我則雲行召告成汾睢熒祀我則順子以尊后
陵寢肅雝我則述經以明孝可謂重椅坤軸口紐
乾綱澤汙蕝蕝皆皇極之大造也其脩缺禮補樂
章存朴以畜人陳兵以訓武奔四夷以歸化主百神而
授職者可勝言哉古有仁片言而受福樹一善以獲應
况網羅密制包括鴻微以神化之貞明協靈命之
幽贊克會脩祉不亦宜乎玉真長公主以天孫

毓德

帝妹聯貴師心此地杳捐代情奉黃籙以□

絜瞻白雲而志遠觀主李元貞監齋顏無詩上座傳承
說為學日益為道日損逍遙中林之下仿徨塵垢之外
因翳而議曰今自道曰祐主自主以祐人下覃六
幽上契三極風后力牧協宣朝政關雎麟趾宏被國風
積祥萃臻妖瀾不佗足以規萬葉示將來赫赫巍巍以
表靈貺而廼謝奚斯頌魯之義闕穆滿銘弇之游是上
蔽天休下虧臣禮緣事斷誼蒙竊慙焉於此是蓋屋

宰李嗣琳同荷

湛恩已脩能事博詢墨客以贊

皇道時戶部郎中沛國劉同叟才清起草譽美郎官之
列文幕上林能揚天子之事共遵大雅已揆其

嗣奉為頌曰

終南之北□真境關令尹喜宅茲嶺陰陰松栢造華頂

草結花樓龍護井靈僊之窟肅而靜其惟皇夜夢

真人來神光赫赫金錕臺瑤容綽約冰雪開霓裳羽駕

紛徘徊其前聖後聖相感哉二帝心虔求齋玉

京王公百辟咸致誠雲旗綵仗森出迎日月晏溫顙氣

晶其真容來兮受天慶三真容來兮聖人

壽千春無涯百福有其真容來兮寶歷昌遠郊却馬

雄四方紫殿敷座煙雲香拜手誓首天地長元

之祚萬斯唐其

朝散大夫守倉部郎中上柱國戴璇撰序朝散

大夫守戶部郎中劉同昇撰頌開府儀同

三司尚書右僕射曾孫戴伋書勅檢校道門威

儀昭成觀主道士□□裕天寶元年歲次壬午

七月癸卯朔十五日丁巳中元建河南

史榮刻

右唐元元靈應頌金石文字記云今在盤屋縣樓觀

石墨鐫華云中南樓觀尹喜故宅也元宗寢老子真

容得于此玉真公主為道士居于此故此碑述寢事

以及玉真歸美唐室倉部郎中戴璇纂敘戶部郎中

劉同昇纂頌開府儀同三司尚書右僕射曾孫戴伋

書書法分隸頗豐潤弟乏骨力耳按寢真容事有無

不足論公主出家乃國家醜行皆無足頌者其傳之至今則字畫可取也子面以爲豐潤而乏骨力余謂骨力頗不乏特神韻少減非逸品耳璇敘作于天寶元季而書碑者乃其曾孫疑是追書戴伋官極顯而不見于史冊遂不知其爲何時人書名何足恃哉金石文字記此碑下引趙幅曰此頌刻于宗聖觀之北面唐人分書甚佳但經元人翻本減弱矣按趙所謂經元人翻刻者乃宗聖觀碑非謂此碑也此碑跋語但議其乏骨力無減弱語亭林誤記耳碑字多構別體如以猷爲獻壽之獻以癰爲落薛之薛勣卽朝字說文幸字本作𡗗漢人隸書變作𡗗𡗗與說文

𡗗

音牽

二字無別此碑分止聖

牽卽幸字變从犬

从羊則因漢隸而又變矣妖瀾不作瀾當讀涂典切卽沴字也爾字亦書作尔尔本作尔隸書沴字往往作尔故沴字別體有作沴者而此碑遂書沴爲瀾矣荔字恹字眉變甚巧沓捐代情謂太世俗凡情也一易代字幾不知所謂矣劉同昇名敘作多此但是升字耳後又作昇胡一人名字數行中輒相同異如此皆好奇之過也石墨鐫華游終南山記云游樓觀其上伯陽父與尹喜說五千言處爲說經臺其下開

元帝寢老子得真容處爲宗聖觀宜多唐以前碑今止靈應頌一碑頌真容事天寶閒戴伋分書刻北面

南面刻宗聖觀記唐人分書甚佳但經元人翻本減弱矣子函所謂減弱者指宗聖觀碑而言非謂靈應頌也亭林引此其誤顯狀余前題此碑謂趙氏跋語無減弱字蓋未檢游記也故補書此

唐嵩陽觀碑

天寶三季

大唐嵩陽觀紀

聖德感應頌

開府儀同三司行尚書左僕射兼右相吏部尚書崇園館大學士兼賢院學士朔方節度等副大使修國史上柱國晉國公臣林甫上

大中大夫守河南尹河南水陸運使上柱國賜紫金魚袋兼東京留守判留司尚書省事臣裴迴題額

域中之大有四

道為之首而王者統為方

外之人有五神為之目而聖者用焉非

道

也竊以致神非神也算能感聖自炎師水玉軒訪峒山宿藺汾陽徘徊河上且猶私壺己之利屈萬葉之尊或得之而不存或求之而不及則未有園心六合

園化被於海隅滌覽

九重異人臻於

闕下

密傳僊契潛設神功端拱

紫庭坐進金鼎如

我開元天寶聖文神武皇帝之至感也蓋德邁者其業

崇

道園者其化博

上初戡巨難纂

睿圖以為唐虞盛理教人而已矣乃昭禮物考經忠於此乎帝典玉經罔不畢備及夫蠹戎憂致邕熙又以

為軒昊上德恭已而已矣乃敷清靜復漳朴於是乎偃
甲蚩衣示於黷欲故載歷三紀功苞九皇乃時有真人
方士不召而至者儼然而進曰臣聞管者太初之先也
嘗有受命握符壺君千歲後代聖人順其外為封禪修
其中為導養故玉檢有不死之名金丹為長生之要五
三以降茲道蔑聞
陛下奉紫氣之真宗接黃神
之遠運玉檢之文已備金丹之驗未彰
天將授之
其在今矣
上覽其議而告之言朕聞神丹者有
琅玕雪霜三化五轉太壺得之為上帝之伯
元
君得之為下教之尊必將寂黷為之功任自然之力乃
可就矣於是考靈迹求福庭以為嵩陽觀者神嶽之宅

真僊都之標勝直中天晷景之正記

烈祖巡遊

之所抱汝含穎風交雨會陰陽之所烝液偃佺之所淫
還丹竈琳堂淫淫而在乃命道士孫太沖親奉
密

詔對授真訣壺之日披圖於

天府二之日陳醺於

山壇然後俾太壺啟鑪陵陽傳火積炭於廡下投藥於
鼎中固以扇鑄室其窗戶隙光不容人跡罕到自河尹
官屬邑宰吏寮日對對泥手連印署太沖乃與中使薛
履信銜
命而東涉海沂過蒙羽行且千里歸已十

旬然後剋日聚觀開對發印餘燼未滅還丹赫然則已
六轉矣明幸移藥於緱氏山多僊太子廟其設制之功
神異之効又如初焉每至降
御詞陳祝冊紫泥縈

表倏忽飛天園酒玉杯繽紛移座祠官矚眙供吏驚嘖
靈貺昭答有如此者其餘瑞鶴卿雲祥光秘語匪朝伊
夕不可勝記按中丹經云金華符成威光鼎就則有朱
鳥陳異白日激輝斯非類旁九轉既畢馳駟以獻
聖上方滌慮躋清齋心虛白神期應會如合契焉於是
三事百寮奉觴稱賀曰
上真降殊休而報
天籙極且夫罔化
昌運也異人委質
聖德神丹壺御與
至道先烈也還風太初
聖感也靈藥薦喜
天符也此四者皇圖帝載所未聞焉澈臣預春蠶
之凌忝申甫之地
上清事隱非魯冊之設澈大洞

功成豈周頌之能紀強銘琬琰永播

乾坤其辭

曰

太古兮上皇千歲兮壺君自軒轅兮獨淫遂歷代兮
有唐兮英聖六葉兮十紀惟天寶兮合符故

漳風兮變始嵩有峯兮潁有瀾交靈氣兮集僊壇資

聖喜兮效神丹神丹御兮福庭會虹蜺旗兮紫雲

蓋臨萬邦兮彌億載

天寶三載二月五日建

原注此
行篆書

朝散大夫檢校尚書金部員外郎上柱國臣涂浩
書

右唐嵩陽觀碑李林甫纂裴迴題額徐浩書今在登

三·四十二
封縣嵩陽宮遺址字畫完好如新瀉整茂美無一敗
筆狀姿媚有餘而古樸不足視漢諸碑有閒矣 明
皇初不信神僊改集僊殿爲集賢後以相州刺史韋
濟薦張果入宮制以爲銀青光祿大夫賜號通元先
生則頗信矣此開元二十季事至此深信不疑乃鍊
丹以求長生林甫奸諂其爲是言也固宜季海書之
能無恧乎

唐石臺孝經

天寶四季

孝經序

御製序并注及書

皇太子臣亨奉

勅題額

朕聞上古其風朴略雖因心之孝已萌而資敬之禮猶

簡及乎仁義既有親譽益著聖人知孝之可以教人也
故因嚴以教敬因親以教愛於是順移忠之道昭矣
立身揚名之義彰矣子曰吾志在春秋行在孝經是知
孝者德之本歟經曰皆者明王之以孝理天下也不敢
遺小國之臣而況於公侯伯子男乎朕常三復斯言景
行先哲雖無德教加於百姓庶幾廣愛形于四海嗟乎
夫子沒而微言絕異端起而大義乖況泯絕於秦得之
者皆煨燼之末濫觴於漢傳之者皆糟粕之餘故魯史
春秋學開五傳國風雅頌分爲四詩去聖逾遠源流益
別近觀孝經舊注踏駁尤甚至於趺相祖述殆且百家
業擅專門猶將十室菴升堂者必自開戶牖攀逸駕者

必騁殊軌轍是以道隱小成言隱浮偽且傳以通經為義義以必當為主至當歸一精義無二安得不翦其繁蕪而撮其樞要也韋昭王肅先儒之領袖虞翻劉邵抑又次焉劉炫明安國之本陸澄譏康成之注在理或當何必求人今故特舉六家之異同會五經之旨趣約文敷暢義則昭然分注錯經理亦條貫寫之琬琰度有補將來且夫子談經志取警訕雖五孝之用則別而百行之源不殊是以一章之中凡有數句一句之內意有兼明具載則文繁略之又義闕今存于疏用廣發揮經文不錄

李齊古表文

案碑四面此在末一面後節上截小字九行正書

臣齊古言臣聞孝經者天經地義之極至德要道之源在六籍之上為百行之本自文宣既歿後賢所注雖事有發揮而理甚乖舛伏惟
聖
武皇帝陛下敦穆孝理躬親筆削以無方之
聖
討正舊經以不測之神改作新注朗狀如日月之照邈矣合天地之德使家藏其本人習斯文替
天之下
罔不欣戴仍以大學王化所先孝經聖理之本分命璧沼特建石臺義展
睿詞書題
御翰以垂百代

之則故得萬國之歡今刊勒既終功績斯著
天文
炳煥開七耀之光輝
聖札飛騰奪五雲之氣色煙
花相照龍鳳沓起實可配南山之壽增北極之尊百寮

是瞻四方取則豈比周官之禮空縣象魏孔氏之書但
藏屋壁臣之何幸躬覩盛事遇 陛下興其五孝

忝守國庠率胄子歌其六德設對揚文教不勝抃躍之
至謹打石臺孝經本分爲上下兩卷謹於光順門奉獻
兩本以聞臣齊古誠惶誠恐頓首頓首死罪死罪謹言
天寶四載九月一日銀青光祿大夫國子祭酒上柱

國臣李齊古上表

批答

案此在表文後太字行書

孝者德之本教之所由生也故親自訓注垂範將來今
石臺畢功亦卿之善職覽所進本深嘉用心

諸臣題名

案在末一面後節下截凡四列正書今補錄

特進行尚書左僕射兼右相吏部尚書集賢院學士修

國史上柱國晉國公臣林甫

案唐制左右僕射不著姓

光祿大夫行左相兼兵部尚書宏文館學士上柱國渭

源縣開國公臣李適之

光祿大夫行門下侍郎集賢院學士副知院事仍侍講

兼崇園館大學士上柱國臨潁縣開國侯臣陳希烈

朝議大夫守中書舍人兼判刑部侍郎上柱國臣孫逖

正議大夫行中書舍人集賢院學士上柱國平樂郡開

國公臣韋斌

朝散大夫守中書舍人兼知史官事臣李园成

大中大夫行給事中臣李巖

朝請大夫守給事中臣韋良嗣

銀青光祿大夫國子祭酒上柱國臣李齊古

朝請大夫守國子司業臣韓倩

朝議大夫檢校國子司業臣薛獻

正議大夫行國子司業員外置同正員臣張侔

通議大夫檢校禮部尚書上柱國襄陽縣開國男賜紫

金魚袋臣席豫

正議大夫檢校工部尚書上柱國賜紫金魚袋東京畱

守臣陸景融

通議大夫守尚書左丞上柱國清水縣開國男臣崔翹

太中大夫守吏部侍郎上柱國趙郡開國公臣李彭年

吏部侍郎上柱國彭城縣開國男臣韋陟

正議大夫行兵部侍郎賜紫金魚袋上柱國燕國公臣

張均

正議大夫行兵部侍郎賜紫金魚袋上柱國臣宋鼎

中散大夫守戶部侍郎上輕車都尉臣郭虛已

中大夫行禮部侍郎上輕車都尉臣達奚珣

朝議郎行丞上柱國賜緋魚袋臣韋騰丁酉歲八月廿

六日紀

案丁酉以下九字金石文字記云後人所添是歲乙酉非丁酉也

朝議郎行丞蔣滢

大學助教別 敕兼判丞臣李德賓

儒林郎守主簿崔少容

朝請大夫守國子博士上柱國臣畱元鼎

朝散郎守大學博士兼諸王侍讀臣蕭郢客

朝散郎守四門博士兼諸王侍讀臣任嶷

承奉郎守四門博士臣劉齊會

朝議郎行四門助教臣梁德裕

承奉郎四門助教臣闕園直

承奉郎四門助教臣王思禮

承務郎守四門助教上柱國劉大均

登仕郎守四門助教臣秦龜從

儒林郎守四門助教臣胡錕

釋奠坐主四門教授臣王南金

文林郎守律學博士臣劉嘉祥

算學博士臣張元貞

文林郎行直講賜祿臣王乂

宣義郎行直講臣顏挺

文林郎行直講臣王璋

高陵縣丞翰林院學士直國子監賜緋魚袋臣丁景

文林郎守義王府參軍兼國子監文史直知進士臣司

徒巨源

朝散郎行醫學博士兼直監解休一

文林郎行國子錄事王思恭

案从上一人不書臣莫詳其義

右唐石臺孝經元宗御注御書皇太子亨題額一本

共四大幅經注繫多不能備錄錄御製敘文國子祭
酒李齊古表并艸書批答三十八字其後尚有林甫
等四十五人題名亦不具錄案此足資攷證不得明
缺載今據石本補
皇分書自以太山銘爲第一此書豐豔有餘而微乏
骨力狀布置瀟整始終如一注中小字盡態極妍允
堪把玩亦翰墨中大觀也艸書批答生動入神憑對
之令人色飛眉舞尤非後人所能及

唐封北嶽安天王碑

天寶七季

大唐博陵郡北嶽恒山封安天王之銘

昇序

左羽林軍兵曹參軍直翰林院學士供奉

上柱國李荃撰

吳郡戴千

齡書并題篆

遁甲開山以方色受土水行佐鎮圜枵司野截巨壑以
波委指平陸而海清暨旄頭柱王國蔽虧日月棲
泊雷電可久可大取諸恒也恒之靈藏注却來威遠懼
邇陰陽不測之謂神神聰明正直害盈福謙裨我淳勑
荒札不勃拯膏雨佐秋成再蠶獻互六擾呈逸育孚盈
圭奚貴而無位哉古者天子望于山川徧于羣神未嘗
王五嶽而公四瀆

大唐開元天寶聖文神武應道皇帝登泰山躡社首範
圍天地幽贊於神明采北載上元庚寅

詔曰五方定位嶽鎮揔其靈萬物阜成雲雨施其潤

上帝攸宅寰區是仰其岱宗西嶽先已封崇其中
嶽三方典禮猶闕降神布澤同致福於生人肆類尊崇
未齊名於禮秩永言先被同叶靈心其北嶽可封為安
天王所司擇日奏聞龍集丁丑津中姑洗壬午錫以金
檢玉冊殿縣禮也夫

聖人以

天地為本

陰陽為端五汭為質北嶽水正也乙酉水命也

大君有命如波北嶽鼎然不渝受茲介福益無方也驃
騎大將軍負外置同正負兼范陽郡長史柳城郡太守
平盧節度使度營田陸運兩蕃四府河北海運兼范陽
節度經略使度營田副大使採訪處置使兼御史大夫
上柱國柳城縣開國伯常樂安公白禰山國之英也八

柱承

天三門出將風順遼海霜明憲秋山戎朝

鮮繫頸請命明威將軍守右威衛將軍使持節博陵郡
諸軍事兼博陵郡太守北平軍使上柱國賜紫金魚佩
武威賈公白循時之傑也康侯乃符師貞受津英略外
斷沉謀內融清潭無和虛谷必應趙人化之如春陽也
朝議郎攝別駕上柱國賞緋魚佩信都馮公承相中散
大夫汭長史上柱國賞紫金魚佩清河張公園墳人之
望也利物足以和義貞固足以幹事威搖商秋德湛行
露通直郎行錄事參軍滎陽鄭旼宣義郎行司功參軍
汝南同瑋兢奉義郎行恒陽縣令高平郝懷玉吏之雄
也貂蟬稱家冰水佐吏箇簪方勁球琳有聲僉白

聖王先成其人而後致力於神國其祉也管省方履禮
於虞帝敬鬼尚祀於殷人未有加望秩之榮錫封崇之
號斯蓋

我皇之能事也燕山有石碩儒有文既述且刊超變陵
谷銘曰

維嶺兮作鎮王業善利萬物兮德配諸水雄峯屹立而
朝山邇迤閃電雷愬神鬼其神靈兮福之所履福善禍
淫而正直如共其君恩覃兮流湯湯汨神道蕩

鬼方四瀆為公兮五嶽王山戎臣首而犬戎北亡勒貞
石以一固浮大海之三桑其二

天寶七載歲在戊子五月庚午朔廿五日甲

丰建

杜南金韓休烈列字

右唐封北嶽恆山為安天王碑李荃纂戴千齡書天
寶七載建千齡書泐雄駿適美浸浸欲出韓蔡上而
名位不著惜哉是時安祿山為平盧范陽兩道節度
使雖權勢浸盛而反形未著故碑中尚極詞贊美之
孰知其叛不旋踵乎聞碑陰有康傑纂文亦千齡書
族叟訪之

唐左金吾衛將軍臧希晏碑

大庾五季案吳氏未閱
全文故系廣德二季今正

唐東莞臧府君神道碑

篆額

大唐故金紫光祿大夫左金吾衛將軍□□州大都督
臧府君神道碑銘

并序

銀青光祿大夫行兵部侍郎上柱國清河郡
開國公張孚撰

朝議郎守衛尉少卿淮陽縣開國男賜緋魚

袋韓秀弼書

案大唐至此七十五
字原書全缺今補

有唐廣德二年八月五日朔左金吾衛將軍臧公薨

□□安邑里之和第享年五十有三大園五丰十月十

五日葬于三原縣

薨于至
此補

長塆鄉禮也公諱希晏字恭

靖先封受氏奔萊重光僖伯諫與哀伯諫鼎文仲立德

武仲立言傳慶

□□之日

□□□□之

光字至
此補

際

子孫有後大庇生靈述職因官今為京兆人也會祖君
寵通議大夫靈州長史祖善德銀青光祿大夫銀州刺

史贈太子少師

曾祖至
此補

父懷恪右領軍衛將軍魏州刺

史上蔡侯贈工部尚書重也將門一時人傑光臨舊圖

非驚於守

繼豈對郡載美於

□□園社

尚書至
此補

白茅

式旌餘烈爵明朝也握五兵之要漏幽泉

原書
此補

咄追八

座之尊禮備

榮

澤彰存歿名器之重今古無

儔□高門繁戟前

追字至
此補

庭鍾鼎谷量千駟之馬羸滿

萬金之裝三武邁賈氏諸昆八元□高陽才子公□□

節長標雅操用武則武可畏學文則文足

氏字至
此補昭

鬱為珪璋俯拾青紫常以為千戶侯力可取萬人敵

之餘□藝撏九流射穿□札長纓係頸於閭越短兵斷

臂於匈奴開元

人字至
此補

理兵之歲塵飛碣石烽照甘泉

盧龍北隘胡馬南牧克貞師津□□親賢

天子御□陽前殿乃命禮部尚書信安郡牧字至王建

牙璋擁金節控弦廿萬以專征之六郡良家公為特□

而□征□□□□□公以為楊雄執戟阮藉步兵千

古同□□無公為至慙色其後出各地窮河源收堅城

拔高壘戰勝攻取左旋右抽舍變出奇智□□遇以□

功彙遷至衛尉少卿尋加□受降城使取字至河曲之

間威聲載路屬三北之地五載未巡公侯腹心受委而

拜遂以公為□□皇城使遷左監門將軍兼麟州刺史

無何轉慶腹心至州刺史去思來暮行古之道特拜太

僕卿兼寧州刺史夫漢宣共理所以寄□侯也周武以

寧是用咨多士也故佩中朝之印褰下刺字外臺之帷

抑有由矣屬親征振旅薄伐吊人駐此補蹕而萬姓來蘇

迎蹕而百神望牽由是其列郡□為行

宮頌六蹕字至龍之旂儀雙鳳之關擇能佐牧匪易其

人以政理殊尤拜左金吾衛將軍左街使□切爪牙寄

崇心膂□利功業亞夫□名方欲殊尤至鑿出師之門

分制軍之閫未加明命忽閔幽泉故老泣於邊疆賢臣

愴於冠劍將星夜落陣雲朝起凜然餘勇千載猶生故

夫人老字至贈燕國夫人劉氏百代舊封五公貽慶嬪

則彰美姆訓畱芳生前已飾其□并歿後更封於石窰

先公卒□合祔同歸公之季弟姆訓至希讓御史大夫

工部尚書渭北節度贈太子太師徃與公夏執金吾同

□□□王肅儀貌陳平智謀雄憲臺之一□□長城之

萬此補里因心則友義切天倫嗣子睦王府長史叔

獻次子郢州別駕叔雅季子河南府河清縣主簿叔清

藥藥□□攀號岡極羔柴泣此補血曾參絕漿喪過

乎哀行過於禮敬奉副相之託式紀冠軍之銘銘曰紀式

臧孫有後千古立程中為將略遺實人英出入三代光

百城□□之□□□之□□□□□□定傾□□

□□□□嘉名陳代字至氏父子□□弟兄高碑之上

長紀忠貞案此後二行全缺

右唐左金吾衛將軍臧希晏碑今在三原縣九陂城

臧氏墓碑下截殘缺止存其上段十九字首行全缺

書篡人名皆不可見王元美云為朝議郎守衛尉少

卿淮陽縣開國男賜紫金魚袋韓秀弼八分書篡文

為銀青光祿大夫行兵部侍郎清河郡開國公而缺

其名按寶刻叢編載諸道石刻錄有唐贈揚州都督

臧希晏碑云唐張孚篡韓秀弼八分書大麻五季立

在三原今碑不見贈揚州都督事亦無大麻五季字

或皆在所缺處葬于廣德而建碑于大麻亦不遠也

希晏為懷恪子兄弟七人皆貴顯懷恪碑為魯公

書甚傳于時金石錄載臧氏墓碑凡三金石略載韓

秀弼所書碑凡四而俱不及此何也碑雖斷缺狀名字世系歲月功勛及夫人嗣子俱尚可見亦異于泯滅失傳者矣

案碑下截雖蝕損狀可見者尚十之八九余家藏

舊本首三行止缺二字以希晏父懷恪碑攷之當

是贈楊二字懷恪碑楊州此碑楊雄楊字華从木又書纂人銜名歷

歷可辦不知吳本何以缺泐如此或所得不全本

目今補存五百六十七字庶此碑文字可讀亦藝

林使事也希晏卒于廣德二年至大曆五年葬

碑當于是年建立惜末二行全蝕無從攷其時實

歲月矣碑云曾祖君寵祖善德而懷恪碑無君

字善字所未詳也

唐文宣王廟新門記大曆八年

文宣王廟新門記

朝散大夫檢校祠部員外郎兼

侍御史裴孝智撰

前義王府倉曹參軍裴平下丹

并篆額

成域中之大歸天下之淫曰王二者應園以宰物酌皆

以觀化威聲雷霆號令風雨不嚴人三字原書佚脫理合自然

之運不行家坐契如神止速德叶協於幽明道徜徉於

古始無為無事其大矣哉三字原書佚脫泊乎澆淳既變仁義

斯起偃息庠序棲遲洙泗憲章萬物之首馳騁百王之
末清顏波於幽三字原書佚脫厲扇儒術於殷周故春炁佗而

賊亂懼風興刪而庶恥生弄韶護而洩懣之音息行捐

讓而三字原書佚脫症敬之心勸夫子聖者歟名與日月周流

業與乾坤終始隱焉而允闡然而彰命服袞袞二字原書佚脫

□代稱王西阜聖人之鄉也先是閔宮霞敞正殿岑立

繚以環堵邃異臺門巍若化造疑原書字脫□動兌所謂

淹中之勝槩闕里之全模刺史孟公休鑒德潤尊師道

肥希聖研精百氏□□言疫火北官曹之燭春桑絕

附校之詠判官郡功曹盧曠以文發身以清撿物博□

□□數四科惟此祠廟厥初層構朱戶半傾雕甍中

落難名之閭輿造次可遊如在之□□□易覩將何

以克恭過位加敬及庭於孟公首之盧公翊之因命

縣大夫兼太□□□裴公新其南門書時也公名

有象補字育元含真廣學攷文始豈甲科吏于舒二人□

□□□等吏考究二人輒服蓄可大之用為致遠之

歆由是庄鹵程具乃役不斬仲□□□□山之石

償以日而給功不時而就大屋橫亘雙扉洞開丹拱繡

栢膠葛固□□□□景飛檐駢逼而棲霧扇鏤

跣固享獻聿修官吏唯肅清之謹邑人無褻瀆□□□

□□□席及階而升數仞之牆由戶而入君子以北

孟公之化不行北盧公之□□□□□□不成三

事叶同乃庠于善孝智不敏儒家之流浚挹春秋舍菜之禮□□□□□□□□誌不腆之文俾刊永貞之石時大園八季十二月一日也

右唐文宣王廟新門記大厯八季建裴孝智纂裴平下丹并篆額後漢書蔡邕傳熹平四季奏求正定六經靈帝許之邕乃自書丹于碑使工刻之又滕縣秦君碑云丹書刻石垂永後昆書丹之制其來已久此碑云下丹卽書丹也又碑云先是閔宮霞敞正殿岑立霞敞疑是霞敞此段文義蓋述從前宮殿壯麗意敞與敞字形相近恐下筆偶誤狀霞字又未知是霞與否不設遽定也春桑絕附校之詠似用後漢張堪

傳桑無附枝麥秀兩岐語書枝作校亦筆誤也平書汰得漢人遺意絕無史惟則輩怒張之氣而名反不甚著碑刻所傳者亦寡可憐也此碑余所見本已裝池成冊所有缺字皆經剪裁故多不可屬讀處須訪全本改注之

案碑二十行行三十五字行末二字向爲趺掩艱于施拓故止三十三字原書所載更少一字尤非善本可知近友人惠余一本驗之是十數季前所拓行末缺字皆全想碑已升高重立矣又下截左角缺泐自三字至九字不等闕里文獻攷載此文然同則全文無從攷見霞敞之敞錢宮詹大昕以

為蔽字之眉古敝蔽本通用原書云敝恐未當附
枝枝字碑書作枝猶致作致致又作致隸書支旁
往往如此實則未未譌校也

唐右僕射裴遵慶碑 大庾十一季

□故尚書右僕射贈司空裴府君福鑑碑 篆額補

大唐故金紫光祿大夫守尚書□□□□□東郡

貞孝公贈司空裴府君碑銘 孝字以下補

朝議大夫□□□卿兼修國史充禮儀□賜

紫金魚袋□□國楊綰文 充字及綰文二字補

易神之為義臣道也君子履之文言曰直方大不習□
不利又曰陰雖有美含之以從王事然後以黃中通理

之道蓋在 十字補下缺 終則受黃裳之吉矣安貞應地者其

順矣乎公□□□□□聞喜 二字補 人也在 字補 □

為伯益若予上下在周為非子蕃 九字補下缺 □肥土□字

重□□□□邑□氏因其生也濟物之慶畚名有融至

東□陽告□□河東著族其後始大以坐于大父贈 十字補

公少而□敝成□□□□□不遺於近究末而必慎

其初嘗以古人 十字補下缺 詞足以盡意則釋然矣外是者

君子之所□□□□□為寶故□□□而不□省而

不察解褐以門蔭授興寧陵丞系 十字補下缺 德之功用刑

者必求其意審法者□極於文 字補 □□□□□受疑讞

者必求其意審法者□極於文 字補 □□□□□受疑讞

□□城

字補

使

原書

□□濟

虛

加

浚

沒

辭

及

翻

理當以

十字補

體

得

自

前

脩

□

批

案

云

十

威力不能

□

衆

並不

□

籍

□

具

兩

見

省

覆

聯

□

別

曹

奪

已

□

之

具

獄

□

具

司

勲

吏

部

郎

皆

掌

曹

事

前

古

官

□

□

□

鄉

里

之

□

□

中

正

之

狀

十字補

識

洞

姦

萌

雖

□

復

隱

匿

□

環

不

惑

應

弦

而

□

□

自

補

□

不

自

補

望

已

推

於

公

輔

矣

丁

內

艱

去

□

中

權

俶

擾

私

欲

□

求

不

給

□

稱

惜

之

□

□

□

郎

中

至

德

初

□

自

賊

庭

將

趨

□

至

德

至

此

補

下

賀

於

朝

遷

拜

給

事

中

累

遷

尚

書

右

丞

兵

部

戶

部

□

授

吏

部

□

郎

□

艱

之

後

臥

權

□

□

鑒

以

知

方

九

字

補

季

除

黃

門

侍

郎

平

章

事

時

寂

戎

未

平

軍

國

多

務

俱

臥

數

變

生

害

穀

臥

不

通

為

急

公

舍

□

□

明

字

補

則

直

而

能

溫

雅

弄

浮

詭

尤

□

矜

伐

諷

諫

見

從

如

增

內

懼

薦

賢

來

謝

以

為

大

耻

雖

左

右

近

習

但

補

記

削

橐

之

疎

數

算

知

其

所

補

九

字

下

缺

倉

一

百

戶

又

追

先

府

君

補

二

字

之

德

寵

贈

正

司

以

荅

勉

焉

公

以

丰

當

賜

杖

禮

有

懸

車

不

矜

濟

物

之

用

自

簿

守

官

之

節

固

請

退

八

字

補

上

難

違

懇

坐

琫

太

子

少

傳

又

以

官

制

未

明

選

曹

求

舊

還

除

吏

部

尚

書

遷

右

僕

射

再

領

□

□

從人顙也公咏順積中英八字補欲進之□及踐大任

棘原書自喜補字之色當其未可審其體而能安當其可

蹈其機而不失每□安危故事興替舊章諭同訓九字補

缺□極上列榮參實賤養不加厚謙以自持酒醴之歡

儉故能廣林采之賞□□幽惠愛以合親施舍以周

給古之道九字補以大圃十季拾月二十九日薨於萬

季縣井平里之私第以明季二月二十六日□耐于東

原書都萬安山之舊塋六字補行謚曰貞孝二字補公

禮也詔使歸賻典客護喪卿大夫庶僚百吏追送

于國門之外生榮歿哀人理至矣有子太子中九字補以

字補踐原書德之□□抱公之□□美之義以文見託

論譔力疾績□不宣其銘曰

天生萬□有物有財人之秉彝好是懿德司空之美古

訓是式知退知進有嚴有翼慈善同罔敬恭奉職五刑

恤隱九九字補全功是力□□規為二字補自□不

□其補字不補字其直原書是非趣舍審□通補字塞損

益二字補盈虛與時消息喜補字□□哀榮同域託五字補

缺

右唐右僕射裴遵慶碑僅存三十六字共二十四行

金石錄目在弟一千五百一十二卷注楊綰纂盧曉

八分書并篆額大厯十一季二月立跋尾云右唐裴

遵慶碑唐書列傳載遵慶所歷官甚簡以碑攷之其

尤著者自吏部郎出為濛陽太守

今石本貶符陽郡

今石本

徵拜禮部郎中

今石本

禮部字缺而史不載肅宗朝

拜給事中累遷尚書右丞兵部戶部侍郎再授吏部

今石本

再字缺而史但言為吏部侍郎而已又史云遵慶薨

時季九十餘碑云季八十五

今石本

全缺遵慶諡貞孝而

史無之皆其缺誤也今以趙氏錄合之此碑官階季

月一一不差其為遵慶碑無疑自趙氏入錄後如石

墨鐫華金石文字記收集唐碑最夥而亦遺此非細

檢金石錄目亦為從辨之

說文弟字注聿束之次

弟也弟本次弟字因次第之義狀後假借為兄弟字

以弟次于兄義相近也竹部別無第字後人以从竹

者為次第第舍字弟字專屬兄弟之稱失制字之本

矣此碑私第第字从說文作弟唐人于字學雖經屢

變之後狀猶能不失其本旨如此今人匙不以為別

字也

案碑在洛陽下截未全每行字數無攷今以後

銘詞計之行約五十二字狀未設遽定也原書著

錄止三十六字此最不全者近金石家收藏此碑

字數多寡不同余家藏舊本每行至有四十六字

且缺泐處亦少據補存二百二十六字可喜也

唐嵩山會善寺戒壇記

貞元十一季

汝州刺史兼御史大夫陸長源撰

嵩高得天下之中也所謂名山福地異人靈跡注注而有漢晉閒高僧植貝多子於西峯一季三花因為浮圖遂為寰中之真境又有兩阜中斷豁為石門飛流縈回以噴薄喬木森竦以帑護先是有高僧園同律師一行禪師鏟林崖之歆傾填乳竇之竅窳贅玉立殿結瓊構廊栴檀為香林琉璃為寶地遂置五佛正思惟戒壇思惟者以佛在貝多樹下思惟因名貝多為思惟即三花之義在此自河維煙塵塔廟崩褫上都安國寺臨壇大德棄如脩慈業廣秉津道尊志度育緣灑庇羣動慨茲墮墜遂為

聞□尋育

詔申命安國寺上

座藏用聖善寺大德行嚴會善寺大德靈珎惠海等住

持每季建万等道場四時講津藏用上人逸躅遍尋高情獨邁美殿塔之嚴麗賞泉石之勝絕其跡不朽其教益固於是鍾梵相聞幡蓋交蔭豈獨鑪峯名巖空記遠公之行沃洲精舍重述道林之跡時貞元十一祀龍集乙亥大火西流之月也

河南陸郢書并篆額

填闕大德照空

道園

了真 道覺

登封縣令涂暈

寺主懷賁

都維那明徵

前都維那幽蘭

因農楊誠刻

右唐會善寺戒壇記汝州刺史兼御史大夫陸長源纂河南陸郢書貞元十一季建今碑首行會善寺三

字全泐餘俱完好趙氏有錄無說在第一千六百二十五劉太乙金石續錄云郢書不多見此碑頗佳袁中郎嵩游記亟稱之

唐李衛公東郡懷古詩石刻

太和四季六月

東郡懷古二首

義成軍節度使銀青光祿大夫檢校戶部尚書兼

滑州刺史御史大夫李德裕

玉京地

河水咎將丈衝波溢川潯崢嶸金堤下噴薄風雷音投馬灾未弭為魚歎方深惟公執珪璧誓與身相沉誠信不虛發神明宜尔臨滯流自此迴咫尺焉能遐逮我守

東郡悽然懷所欽雖非識君面自謂知君心意氣兮相合神期繇古今豈城見遺廟日夕空悲吟

陽給事

宋氏遠近左豺狼滿中州陽君守滑臺終古垂英猷數仞城既毀万夫心算畱佻身入飛鏃免胄臨霜矛畢命在旗下僵尸橫道周義風激河汴壯氣淪山丘嗟尔抱忠烈古來誰与傳就烹感漢策握節悲陽秋顏子綴清藻鏗然如紫瑇徘徊望故壘尚想精魂遊

太和四季六月一日題

右唐李德裕東郡懷古詩石刻在今滑縣黌宮廡壁間前列衛公銜後載五言古詩二首一題王京兆一

題陽給事按漢丞時王尊遷東郡太守河水泛溢漫
瓠子金隄尊躬率吏民投沈白馬祀水神請以身填
金隄因止宿隄上水盛隄壞吏民奔走尊立不動而
水波稍卻主老等奏其狀帝嘉之增秩賜金卒官後
吏民祀之尊先官京兆故碑稱之宋陽瓚爲東郡司
馬永初三季魏攻滑臺城壞太守出奔瓚堅守不動
眾潰抗節不降歿之追贈給事中二人皆滑之名宦
也衛公書法亦足抗衡史蔡此碑近在中州趙德甫
鄭浹滌諸公皆所未載吾鄉呂進士文允令滑特拓
一紙寄余真知余之痴耆者余按訪金石刻垂四十
季向者頗有所獲自來濠上目目間遂一無間見今

季平已始得此本亟以入錄更望朋友間有助余者
勿以衰遲而棄絕之也

案雨邨本此下尚有牛夫人造象記一碑今據吳
氏定本已刪故不錄

金石存卷十五

一萬二千三百三十一字

金石錄卷十五

一萬二千三百三十一字

季辛巳歲書於本通如八輪夏聖服衣開承祖余書

方武平曰無始不終

案兩碑本為一石自食十夫入並舉臨一碑今難大

於以聚散而棄餘之也

跋

余讀金石存一書精詳若此所謂千百季眼也文字自非存意追古而肥豔竟不得闌入以是知精義者入神其不入神者決不能精義也亭林經史孰故金石諸攷皆鎔金鑄鐵其外吾不設盡為拜倒山夫吳先生繼亭林不媿安得持槩日侍與之作味外談正弗計酸鹹殊附耳慢亭周渠跋

濟自鄭亭用藥也
林不敗安新其樂日台與之計和伐諸玉帛情細細教
留強金龍燈其代吾不願盡為其困山夫吳夫主繼亭
其不入麻香史不非辭美也亭林縣史牌姓金曰諸如
非并意登古而野盡竟不野關人入長映辭美香人
余驚金曰非一書辭美美為何謂千百季朋也

規

